

緣督廬日記抄

緣督廬日記鈔卷七

光緒甲午至
己亥凡五年

長洲葉昌熾著

邑後學主李熙輯

甲午正月

初二日填慶清朝一闕為韜甫前輩題王百穀半偈庵圖又作
一闕呈巢隱丈又感百穀報袁汶南事再題一闕

初七日午後游廐肆僅得滋陽龍興寺重修三門記一通

十二日作孫師鄭荀子校釋序一首代平陽得沮渠智烈老君
堂碑一通在河南濟源縣書甚精

十四日挈孳兒游廐見陳禹謨談經苑一部以四書為綱引宋
元人語錄為證彙入佛書小說明人書之極陋者為鄉先哲
故以三金購之

十五日作天發神識碑跋一通禮卿藏本仲約侍郎及萬隱先

有題記

十六日得鄒叔績遺書一部

廿二日得禮卿函以端午橋藏石拓本百五十餘通見詒內有漢刻三種經幢二十餘種良友之贈百朋之錫也

廿四日永興王估來得石刻十通內田伍造經幢在河南滑縣不易得

廿九日老估來得柏梯寺碑大岷山寺記韓忠獻書杜工部畫鶴行各一通聞從五服毒自盡亦康革職嚴訊兩君在今日尚不失為愿士如此下場可為流涕

二月

初四日訪木齋長談燈後始歸見贈石刻六通見明刺史記有集解索隱無正義書估充宋本前後序跋已割去又明趙氏

居敬堂本脈經

初五日薪庭前輩來以 國史儒林文苑稿屬為復纂又云陝西富平新出李神符碑殷仲容書自來未著錄

十三日得甘杞先生訃又聞泳之大歸道山江陳老弟子同時彫謝吾吳學人將何所請業邪

十七日徐積餘公車到京贈古經天象攷金石文字辨異各一部江總殘碑一通

廿二日上海兩秦生來長號硯詒次號介侯晉書皆有撰著

廿三日至邑館見蔣季和葛芸閣蔣為賜書堂之裔葛為香士先生之孫皆吾郡藏書故家也滑估來得韓信力魏令忠等共建經幢一通

廿五日筱珊招飲見新得裴岑紀功碑始平公造象拓本至廠

言一
肆得有學集一部吳樹萱霽春堂詩一部見明刻張來儀靜
居集已為捷足者先得

廿六日曾孟樸來述錢遵王注牧翁詩今刊本涉忌諱者皆刪
節其家藏有寫本係也是翁原稿又聞在虞山搜得宋元題
名十餘通

廿八日造平陽齋見鈔本陸紫宸集係吾郡國初時人名楣略
一繙閱中有與劉獻莊贈答之什在廠肆得牧齋有學集一
部

三十日董姓打牌人來得長慶甲辰經幢一通又拓本八通內
川千秋亭記雲南圓通寺記頗難得

三月

初一日董估來得舊拓圓測法師塔銘一通

初二日瑞安孫仲容孝廉來著有周禮正義集西先生之子也
初五日陸聚五孝廉來受業名是奎振之大令之子得高隱函
贈桂林石刻

初八日東蒿隱得復以張幼丹寄贈廖州刺史韋敬辨智城碑
一通來輿地碑目著錄惟誤城作誠撰文者無虞縣令韋敬
一王象之即誤作敬辨粵西金石略待訪目節錄其文頗可
補新拓之闕廖州不見於史志當是羈縻州暫置即廢耳無
虞唐屬澄州

十一日耄估來得楊瞻墓志一通

十二日永興王估來以爛帖一包求售擇得沛縣丁思禮造象
百餘年舊拓也又殘經陸四幅末一紙已佚去無紀年字甚
精拓更舊收之以當駿骨

十五日得仲午東以煥采溝漢殘字一通見貽

十七日智城山碑陳左海集中有跋尾二千言甚詳瞻云碑在今思恩府上林縣東五十里

十八日鳳石約往談知大考

命下桂林鍾侍御又有疏通

館職之奏

廿六日 保和殿恭應

御試

水火金木土穀賦以九功之德皆可歌也為韻

書貞觀政要於屏風論

賦得楊柳共春旗一色 得林字七言八韻

廿八日開大考前列喧傳一等五人道希佩鶴伯揆戴鴻慈陳兆文詠春在二等前列蔚若穎芝皆二等即往蒿隱處觀全單余與杞懷韶臣建霞小山禮卿子封蔚庭皆三等詳皆研

笑在三等末子獻四等此次己丑一科全軍皆沒惟憚薇生二等前列尚可望轉坊階耳木齋諸君在闈中聞此信當以不預考為幸矣

四月

初一日佩鶴來同至鳳石處見大考全單南皮東海常熟復閱後廉生由三等擢至一等末靜皆亦改廁三等中間可保無咎筱珊以題中錯一字與陳兩杉同移榜尾己丑入後廿名者又增孫問清孫百斛有意乎無意乎文勤師在何至於此初七日 乾清宮引見三鼓即起是日同引見者共六十八人初八日大考宣 旨道希佩鶴伯揆俱得學士其餘轉坊階有差三等後三十名皆罰俸四等第一罰俸四年第二改官內閣新簡鹽茶道玉銘以奏對未諳公事降同知

十五日 保和殿考差

廿四日小臚唱開季直大魁

廿七日明日為龔兒授室今日迎妝

廿八日未時迎娶申時合巹延鳳石爺卿夫婦喬梓儷贊

五月

初八日張季直來投帖見之云在鄉治生頗致蠶桑之利士大夫所以喪名敗檢皆由一進之後欲退不能故不能退則不進此言殊有味使鄙人有負郭可耕則尚戀此芻豢何為乎
初九日方略館列保蒿隱以道員不論雙單月即選

十六日東估趙西湖來購定棲霞寺石刻四十餘通陽羨靜山庵經幢吳萬祚碑額梁穆君弘墓志唐寶曆二年經幢直三金

二十日從幹臣借得唾餘雜錄一冊吳縣知志潮撰以中論諧
鐸一條知其人為沈桐翹之甥又以論石刻諸條知其人曾
客中州又篇端題第一集則原稿恐不止此也又從歐肆借
得姚衡閑戶集三冊亦鈔本據集中叔河源公傳稱弱冠游
吳庠又自撰迂翁傳稱迂生於萬厯辛亥祖某進士致郡志
選舉類萬厯以前上至隆慶吳縣進士惟姚純臣號熙載南
昌知府隆慶五年張元忭榜進士衡必其孫也集署甲子不
題年號似遺民而據其自述則桑海後又嘗出應有司試是
未可與金孝章諸君比文筆亦未能拔俗特以鄉先哲名氏
翳如其集亦在若存若亡間因屬寫官錄存之可謂好事矣
廿三日建霞贈明俞琬綸自娛集二冊長洲人前有文文肅序

六月

初七日訪鳳石暢談見內庭書目宋元板及明刻舊鈔在天祿
琳瑯外者甚多又聞有聖恩寺志余前在隆福寺見穹窿山
志交臂失之廠肆有虞山小志按圖索之無有皆如碧海珠
光偶一涌現及其既潛光景雖使象罔索之不可得矣
十九日聞鶴巢大作古即往唁知香樹病亦岌岌鶴者自輓聯
云無生之樂視死如歸天之厄文人一至於此可為實涕

七月

初一日韓事決裂奉

旨決戰

初四日得仲午柬贈西清古鑑一部

初八日得佩鶴榮林各函知牙山全師盡沒吾軍繼進者萬餘
人屯平壤觀望不前海軍提督丁汝昌率六艘巡海踪跡杳
然合肥毫無布置時局如此可為痛哭

十一日晤張甫知昨晚倭船二十餘艘撲威海又聞黑龍江依將軍請統馬隊八營赴韓効力

十二日晤君九知葉曙卿退駐公州又聞安孝峰侍御請停海軍報勛指陳 頤和工程詞甚激切又聞長石農請起用恭邸君培來聞倭寇旅順又聞樞府把持藩籬甚固翁李兩公雖特派會議不能展一籌媚嫉之臣千古一轍可勝浩歎十八日鶴巢文遺書欲出售屬往定價檢殘紙中有白月葆光塔碑一通朝鮮物也乞得攜歸巢隱丈藏舊磁頗多有極精者定交二十年竟不知其有此癖也

二十日晝估來得朱永隆造象于府君義橋石象碑各一通相緣自東瀛致建霞書述日高起雲之始屢次請添兵請撤館當軸皆不省又增管見八則亦頗中肯綮近數日內邸鈔無

非祝嘏摺子則其鑿杓宜矣

廿五日積餘來談東事祖合肥歸獄芝房

八月

十二日閱邸抄豐潤學士以在壻鄉干預公事為言官所彈劾奉旨駁令回籍

廿二日聞平壤失守損失統將疆事廢爛又聞海軍在大東溝鏖兵我師沈一艘傷二艘

廿四日聞我師先退安洲又退義州合肥請棄朝鮮專防津海而以東三省鞭長莫及請別簡知兵大臣又聞海軍提督丁汝昌捏傷請以左翼總兵劉步蟾暫行護理因循貽誤於前途卸於後天良漸滅至此雖寸磔不足謝天下也

廿五日印若來知其在津晤憲齋聞與合肥頗齟齬又聞淮軍

將騎卒情萬不可恃義州已不守我師有退渡鴨綠江之說
廿六日濟遠兵輪統帶方君以兩次先奔軍前正法左寶貴陣
亡賜卹我師已退出高境藩籬盡撤奈何

廿八日本齋晨來約聯名遞封事請起用恭邸因昨日南上兩
齋先入告伯葵前輩召對 聖意欲得外廷諸臣協力言
之也

廿九日同署諸君集議於全浙館道希屬稿列名者五十七人

九月

初一日黎明至西苑門隨同遞摺道希召對

初二日心淵贈鎮西廳石刻三種閱邸鈔 懿旨起用恭邸管
理譯署海軍會辦軍務

初五日間常熟馳赴天津與合肥會議軍事

初八日本齋道希約赴謝公祠議今晚遽聯銜封奏阻款議及
邀英人助順余謂款議必當諫英人助順之說僅有赫德一
言其枋國及議院未必允未可遽以入告

初九日佩鶴來知今晨遽摺道希主稿請聯英德以拒日樊介
軒前輩召對

初十日大東溝之戰經李傅相查明奏請賜卹鄧世昌首先衝
陣死事尤烈加 恩予謚

十一日聞聯英之議巖巖者俱以為引狼入室深閉固拒見景
生致勝之函銜葉各軍皆倒戈相向又聞為日人謀主者姚
賦秋吾蘇人也前日常熟奎赴津沽議撫議僑保定僑秦僑
晉時局至此真可痛哭

十三日相繼贈日本南園堂燈臺銘神護寺鐘銘拓本

十四日羹兒出鍾子勣同年房執取勝錄

十五日李雲從來得嵩山唐宋金碑各一通游濟瀆記尉遲迴碑陰

廿三日午後至松筠庵集議見仲弢子封諸公戴少懷前輩領銜主稿改於廿七日遞聞內廷諸公寄拏者為鍾安兩侍御所勅又聞本月十四日樞臣某族其鄉人聯銜遞議和說帖於恭邸為瑞景蘇前輩所勅又聞 廷旨撤衛葉統領其軍歸聶功庭接帶聶以畏合肥不奉命

廿四日精估來得宋元碑十四通又舊拓中興頌一通

廿六日李雲從來得八關齋報德記一通

廿八日萬隱來聞九連城不守戎師退駐鳳皇城議遣春南旋深恐此信一宣都下振動車船必致翔責訂即日束裝

廿九日訪萬隱商定君九先赴通僱舟即至金泰店屬桂園僱驢轎大小車

三十日聞我師退駐摩天嶺

十月

初二日室人挈兒女暨新婦已刻登車

初六日移子嘉寓書藉碑版廿四箱煩重極矣

初七日恭邸派督師慶邸幫辦翁李兩師榮仲華長石農兩公會議各路統軍大帥俱歸節制翁李兩師及剛子良中丞入樞府辦事

十一日聞金州不守旅順告急又聞大連灣開仗兩軍死傷甚多又聞伯愚赴熱河練勇

十三日見伯愚昨日請訓十六日赴熱河萬隱送聞君九電室

人等十二日到港

十五日聞大連灣不守

十九日張額出樞府

廿二日叔衡仲弢子封三公來招佩老議封奏領銜

廿五日佩鶴約往商疏稿

廿七日永定門范文正公祠舍萊歸得萬隱函知旅順不守為之浩歎

廿九日閱邸鈔珍妃瑾妃以習尚浮華屢有乞請奉 懿旨降為貴人伯愚其將返駕矣

十一月

初四日詠春有紀綱北來屬其恭奉 先嚴慈影像南旋

初五日聞伯愚奉 旨撤還又聞宮庭種種齟齬季孫之憂不

在額與而在蕭牆可怕可怕

初九日勝之印若赴榆關寫經幢目錄畢共五百十餘通

十四日移腐至佩老齋聞復州不守

十八日為鄧老作雷甘杞詩序一首

二十日聞海城不守見玉書所示旅順失事狀冀照璘為罪魁
趙懷業衛汝成亦罪不容誅

廿一日衛汝貴趙懷業前有旨拿問茲奉諭嚴催葉志超丁

汝昌冀照璘聶桂林堂紳阿皆拿交刑部治罪

廿三日為鄧亭師作鄧貞女詩一首

廿四日聞遼陽不守

廿五日為鄧師作七律二首題錢密翁極樂寺看花園又七絕
四首題寶泉河觀荷園聞張樵野侍郎特授全權大臣赴滬

議和

十二月

初一日同佩鶴赴松筠庵議遞封奏翰詹科道三十餘人聯銜
初二日夜聞郎鈔安孝峰侍御以言事革職發軍台効力吳柳
堂後一人也公摺亦被申飭

初三日得勝之印若兩函述湘軍器械未集瀋陽各軍皆如兒
戲沙都護軍馬瘦於狗人怯如鬼

初四日聞張甫言孝峰前輩言宣仁專制涉及李連英 聖意
威怒幾遭不測樞府營救僅予薄譴據蒿隱言則皆出樞府
之迎合兩君皆近水樓臺皆非妄言者不知何以異同也
初七日康民隨張樵野赴扶桑議和來話別此行非其意也
十八日唁越縵先生之喪聞蓋平失守

十九日相緣龔兒皆有書來聞南中小有風鶴富室遷徙又聞威海告警出關諸將皆氣餒不前憲齋兵集而無械

二十日陳仁甫輅旋示貴州閩墨本甫次場五菽皆刻斐然可觀可以慰亡友於地下矣

廿一日衛達三總兵部議論斬奉旨即日處決申刻赴西市觀者如堵不能馬革裹屍迺至身罹國法可哀也已

廿二日至琉璃廠閱肆得顧祿百吹萬閣集張鐵甫小安樂窩文集各一冊玉書來云許竹簣星使電致譯署述和議不可恃又聞憲丈電請赴前敵朝議適於是日令其前往

廿四日游廠肆得紹熙雲間志一部蔡復午西磧山堂集一部鈔本威海青樓詩集一部祇有近體似非全本

廿七日聞榮成不守倭船四五十艘磨聚東海將襲威海

乙未正月

初六日游廠肆得陳明卿明聖湖觀一冊後附西湖補帆集又洞庭游草一冊凌鳳起次瀛王之佐翼如王崇詠之王之藩屏如四人紀游之作又嘉興李斯年尋壑外言一冊

初八日游廠肆得陳汝楫季方賞詩閣集一冊前編本刊行續集外集則其婿韓騏所補緝者也聞咸海南岸礮臺失守又聞倭以四百人守海城我軍不能攻

初九日韶臣貽張文珪造象一冊篋中有二通矣又從廠肆得晚學集一冊

初十日閱廠肆得吳江王元文北溪集三冊常熟翁紫書先生潛虛集二冊聞威海初七失守眾擁戴孝侯上定海船以去十三日閱廠肆見嘉靖本祝子文略索十四金又褚筠心詩集

亦以值昂未能得悵惆而返問佩鶴言雙星東渡日人度之
長崎傾東海之波不足以滿此大辱

十四日筠心集及沈芷生羣峰集以一金得之皆同邑先輩也
十六日聞載孝侯仰藥賢於諸將遠矣

十七日聞劉公島不守合肥以海軍人船俱燼自請立于罷斥
十八日 皇上祀天壇卯刻赴午門送 駕同署派六人

餘無一到者可數也歸途赴琉廠至翰文齋略坐携歸祝希
哲文集一部嘉靖間吳撫張景賢所刻有明徐惟起藏書印
及徐燠真賞朱記又有注韓居印可寶也

十九日聞文登寧海失守

廿二日聞憲齋以電致政府尅期戰勝驚誓前可以肅清海蓋
怖其言河漢而無極

廿四日聞電促合肥入都

廿九日聞合肥 召對樞府自恭邸下無不竭力周旋云

二月

初一日聞海蓋之閒有小捷吾師奪回太平山要隘

初三日赴修文齋得潘稼堂遂初集又朱珪崑山名蹟錄係舊鈔本有朱竹垞藏印朱珪元末人工篆刻景其平生所刻碑文為此集前有洪武九年秦約序又有錢罄室朱性文傳錄題字此本蓋又從朱錢兩本鈔錄者孤本僅存可寶也

初四日聞關外聶功庭撤回後遼陽州又告警大平山一軍亦小挫

初六日蒿隱來談知印若派前敵總營務處得小捷

初七日聞合肥即日可出都倭指長門沙為會議之地

張廣恩一日誌

初十日聞魏光燾李光久兩軍敗績牛莊不守為之三歎
十一日讀竟山近作其感事詩云再起賢王晚終憑伯父親艱
難扶病日恐懼引嫌身又云北寺權猶重西園計太疏倭奴
觀釁久發難已紆徐皆可誦

十二日聞營口失守田莊台亦為敵據宋吳兩帥交部議處
十五日恭邸奏撤海軍衙門行走司官皆咨回本衙門當差
十九日高隱來談言鄉邦籌餉官吏追呼急於正供請佩老入
告又聞憲齋所部楚軍皆不能戰田莊台棄糧械甚夥袁慰
庭胡芸楣皆以電達總署有旨令湘軍退駐錦州憲齋嚴
旨切責

二十日訪鳳石長談借歸陳梁叔先生蓬萊閣詩錄錢映江丈
純硯危言

廿一日聞憲齋田莊台之潰宋軍援之而不及聞卽鈔撤去幫辦軍務來京聽候部議可為相緣一哭

廿二日經士來述憲齋獲諱為謝希銓托佛歡兩侍御所劾

廿三日錢冠瀛來述公車在滬觀望頗有返旆者

廿五日揆一贈其所輯司馬法一冊盛弘之荊州記一冊

廿八日聞津沽時有敵船窺伺又聞澎湖有警

廿九日訪蒿隱長談知澎湖敵船兩艘受創而遁倭人自北洋調大隊往攻一島孤懸糧援不繼殊為可慮從蒿隱處借歸補瓢存稿二冊元和韓熙其武著夜聞卽鈔宋帥部議降二級調憲帥降三級調均加恩改革留政府於此事煞費苦心然闕外軍心其解體矣

三月

初一日閱邸鈔憲齋回任無庸來京請訓

初二日得幼申東知合肥在長門為倭民槍傷頰際暈絕復蘇
又聞澎湖敵兵登岸千餘人為吾師擊退

初三日黃本甫自長沙來安詳雅飭再同為有子矣印若自關
外歸述倭將善謀我軍霸上棘門皆非其敵又云諸將各存
畛域勝則爭功敗不相恤海城所以不能克由憲齋親軍統
領劉樹元惟怯不戰牛莊之役魏李二軍惡戰竟日死傷枕
藉印若與晏海澄戶部在海城督戰聞牛莊陷恐敵抄其後
急撤兵歸敵跟踪急追幾為所掩棄大礮四尊山縣有朋之
子為李光久部將擊死倭酋切齒懸賞得李光久首者金二
萬又云倭善埋伏善挖濠坑善狙擊槍礮皆能命中士卒皆
能書寫亦通文理臨陣各懷中國輿圖朗若列眉我軍號善

戰者亦祇能猛撲不能出一謀間為畫策輒云書生迂闊不知兵憲齊治軍太寬依免山惟有兩營能戰宋祝山所部數十營真能戰者已無幾精估矮估絕迹久矣連日忽未得觀造象四通周一通唐經幢一通寶梁經殘刻一通龍興觀道德經景福二年刻一通宋崇寧元年建唐太宗生開碑一通

初八日至舉廠送考長元吳公車實到僅二十餘人午後勝之自關外抵京聯牀夜話述海城之役徐劍農李光久兩軍苦戰劉樹元恒怯不前以致功敗垂成殊為可惜訪康民聞合肥至東議停戰二十七日而臺澎不在其列唐薇卿中丞電致總署詰問朝廷何以棄臺不顧

十一日秦估來得姜嫄廟碑光曜寺藏經院碑武功縣學宮碑十七日得朗然子詩石刻原石宋政和間刻天德二年重刻

十九日聞和議將成償款二萬萬聞東所失諸地皆不見歸復割臺澎以界之江浙省城蜀之重慶粵之沙市皆設為頭領事嗚呼國無以為國謀國者之肉其足食哉

廿一日訪鈍齋見朱參軍小象即孝章先生父也國初諸老傳賢甚多魏冰叔杜于皇余淡心顧云美最著後有沈文愬題一紙則已相隔百年矣

廿四日老估來得唐玉臺寺碣宋修七十二賢碑元扁鵲廟碑廿五日聞割臺之議唐薇卿中丞累電力爭有死不奉詔之語

淮海有封奏

聯官

廿六日得袁景生函盛世危言一部嘉應鄭官應著頗中時病未可以人廢言也矮估來得隋栖巖寺碑精拓本碑陰有咸亨長安間詩刻前所未著錄也又開元二年趙神勣造石浮

圖記天授元年李師廓等造象記元趙孟頫書貞節堂記魏
太昌二年樊奴子四面造象

廿八日精估來得崕臺銘一通

三十日聞肆得吳江金文通外集一冊崑山葛芝容膝居雜錄
六卷芝字龍仙長於徐昭法四歲遺民也善談名理儼然可
味又見顧嘉譽橫山志略二冊索三金未能得

四月

初一日印若來談述虞山為濟甯所斷斷莫展一籌

初八日橫山志略以二金得之

十二日會榜揭曉三邑脫科壬戌以來所無也

十五日聞奉天南境俄人不允界日有先問日本要挾之罪再

責中國輕諾

十六日聞日人怵於俄威願以東邊所得地歸我津沽海嘯衝沒防營甚多東海師相以為護也萬隱亦有微詞

十七日和約定議六部九卿科道赴內閣閱 硃諭佩鸞歸

錄一通見示大旨謂瀋陽 陵寢重地京師 宗

社有闕 慈闈頤養徒御有驚藐躬何堪自問宵旰旁

皇臨朝痛哭天下臣民皆當共諒

十八日卽師約往談知倭人歸所得地又須添償兵費

二十日精估來携示董香光手札兩卷約十餘通又吾鄉文文

起書斗方四幅

五月

初二日閱廠肆前所見顧文康公集殘本已為一湘中公車購

去交臂失之吾過也

初四日方長孺刑部來云臺灣民心不願服倭自立為民主之國奉唐中丞為總統中丞已有電達譯署請代奏大旨云為眾推戴不能不從此後當永為中國屏藩並當泥首闕廷席藁請罪所有炮臺中國龍旗已一律改換虎旗見邸鈔御史熙麟參朝考閱卷是非倒置斤斤於摺摺之工拙京朝士大夫酣夢幾時醒乎得龔兒書知女兒太原婚事已諧前月二十日行聘昨在廠見中文定集一部亦為湘中公車持去其人姓文號雪螢喜收明人集部余憇於顧集昭以厚值與前所見之祝希哲集共許以十金始克携歸插架當此阮囊羞澁猶縮衣節食而為此余之為鄉先哲可謂不遺餘力矣汪子淵云見為盛杏生刻常州先哲遺書設局吾鄉花步劉園筱珊前輩為之搜訪吾鄉大僚無一人見及此可勝浩歎

初五日開臺灣立圖已宣播銅井初三日內渡叔彥奉旨以
字跡模糊改三等五十名卓孝復由三等改二等前屆點用
之戴錫之銷去庶吉士以即用知縣籤掣省分閱卷諸臣交
部察議

初六日鳳石具疏請終養奉旨準予開缺蒿隱云臺事未達
丈預其謀

初十日得子嘉東贈西甯王忻都公神道碑危素文張璠書丹
陳敬伯篆額至正二十二年歲次壬寅十月誦回自隴右拓
寄

十三日問殿見大德本風俗通義

十四日晨驛估來得魏造象一通唐墓志四通浮圖銘一通宋
熙寧元年經幢一通

十七日得景生函允為余鈔胥臺集魯望集世緯聞臺灣廢燭
薇老行遊可駭可歎中國其真淪胥矣

廿三日鈔韓其武補畝存稿畢共詩四卷詞一卷文一卷

廿九日老估來得深州永安四年經幢一通訪嵩隱云俄日蒙
端漸露鳳凰城一帶日人添兵布置甚嚴

三十日東估趙昆山來得蘭山造像一分玉函山造象一分風
峪刻經尉遲汾嵩高靈勝詩及小種數通

閏月

初一日楊鳳阿贈新刻楹書隅錄

初五日至菰郭處相度嵩隱舊居得鳳石書以津門會文橋古
兩書院關道兩席見讓可感也叔彥贈所著禮經校釋

初七日嵩隱來長談云李竹朋家有金石拓本六十函出售索

八百金必有精品無力以舉之奈何

十一日訪欽齋見所藏鈔本鹽鐵論士禮居舊藏有范翁兩跋
出自明涂禎本板心有櫻寧館三字

十三日趙估來得匡詒刻經頌一通摩厘學案共三大幅皆逾
尋丈閱邸鈔憲齋開缺另簡

十五日至李子丹前輩處交國史儒林傳舊稿三冊新纂初覆
輯本六冊

十八日得盛杏蓀李勉林兩觀察書送稽古會文兩席關聘
二十日閱邸鈔鍾西雲侍御以家人訛詐牽涉本官得賄有據
先行革職歸案審訊臺綱埽地侍御一人不足惜如國體何
廿四日得史館知會補纂修蘭臺招飲適柯庭亦在座因洗蘭
臺作介俟內子輩來擬仍返舊巢歸後蘭臺來遞柯庭允如

約

廿八日作南海黃季度孝廉本生嫡母壽暨生母節孝請旌七律四首代常熟師暨發甫

廿九日代卽亭師作七古兩首亦為江夏也

六月

初二日病估精估先後來得華岳題名十餘通唐宋元碑十八通內大厯景辰李大賓造象乾甯元年涼州司馬碑臨洮哥舒翰紀功碑縉雲李少溫書黃帝祠宇四大字皆不易得
初七日作徐偉侯丈輓對云承明廣內著作之庭三世魏科輝映景龍文館記善權張公神仙所宅千秋華表淒涼化鶴故鄉情

初八日訪子培長談云新得北周造象有侯景姓名與房山安

言
祿山造象皆不祥之物亦奇品也夜作七絕二首題運翰集
泰山銘字詩

初九日巽之招廣和居聞有袁慰庭觀察在座可詢東事冒雨
往見子培昆仲綱齋袁君外真率而內精靈子靜相緣之言
不虛也閱鈍齋所藏櫻甯齋鈔本鹽鐵論為作一跋舊有苑
圃跋二則文勤師所未收錄後

乾隆乙卯閏月下澣三日訪友於醋坊橋路過崇善堂書坊
偶憩息焉余向主人索閱舊書携出數種無當意者最後以
此冊示余余取閱之書分十卷尚是舊第且余正欲覓是書
喜甚因以青蚨八百四十文易之字跡不惡可云舊抄板心
有櫻甯齋三字惜未知其為誰氏俟徐訪之吳郡林人黃丕
烈書

此櫻甯齋抄本鹽鐵論十卷據序文是從江陰令涂賓賢刻
于宏治十四年之本出者乃余先鈔得一活字本其板心亦
題弘治歲在重光作重似與涂刻同歲而活字本既無郡穆
序又多脫落訛謬不及此本殊甚且余嘗以太元書室刊本
校活字本補其脫落正其訛謬今與此本參勘又多合是此
本實善本矣第七卷已下鈔手與前六卷稍異而脫落謬謬
亦間有之未知其何故此本係舊抄故未敢點竄余所校異
同在影寫活字本上可覆按也嘉慶癸亥五月二日書于百
宋一廬黃丕烈

十六日錄袁胥臺世緯二卷畢

十九日老估來得呂大防長安志圖殘石馬公廟殘碑宋太祖
興致虛勅本願寺遇公經幢

廿九日得子嘉東云萬隱驟病甚重急偕佩鶴飛車同往視之吐瀉肢冷眼眶塌陷六脈俱伏的係寒邪直中三陽已投薑附之劑亟招周采三來再予溫劑無效至子刻後指甲青赤氣喘聲微萬無可救之理矣

七月

初一日萬隱卯刻溘然長逝醫非至好一旦長離豈不痛哉昨執手以誌銘及著述為託惓惓於豹死之留皮愧非其人恐負良友之屬即作書告弢甫同鄉均至揖擋身後余以昨夜未交曉午後先歸屬憇息得奠兒書知鳳石前輩丁內艱南中疫癘亦甚重

初二日鶴庭前輩作古亦時疫

初三日萬隱接三清晨即赴其屬同鄉均集

初八日唁鶴亭前輩之喪見少逸述其病更急於蒿隱鈍齋輓之有云浪說冰銜玉尺誤人來讀上清書讀之振觸不能自已

十一日為君九作哀啟禮部議覆陝西學政黎榮翰奏宋儒呂大臨從祀文廟位在東廡謝良佐之次

十二日作蒿隱輓聯云吾吳經學大師自宋于庭陳碩父並傳兩漢微言春水鮮溪每思鍊戶覃精早歸寫定禮堂本賤子童年投分若府翼廷管操戎皆已九京不作秋風燕市今又憑棺長慟後死忍辭窆室銘

十六日至蒿隱廬同卿均集商定廿二日題主廿三日領帖君九昆季交出蒿隱雜著兩冊屬為整理之

十八日作小詞兩闋賀沈友卿太史給假歸娶

二十日作詩爲陳慎齋先生八十壽詩七律二首答曙前輩之尊人也

廿二日卽師爲高隱題主偕佩老往裏題

廿三日高隱領帖陪弔竟日

廿七日晨至高隱廬別定初一日歸櫬

八月

初一日黎明送高隱歸櫬至朝陽門外

初二日追悼高隱不已填瑣窗寒一闋

初四日得彙兒書知南舅病疫遽逝行期展後三四日南舅病情與高隱若合符節天災流行廼及善人不可解也先慈同懷七人遂無一人存者渭陽之痛其何能已

初五日辰刻赴會典館晤夢華欲以樂律一門見屬辭之不可

見新譯國書堂子圖一冊殿室之外有神樹五株知前人說部所述皆齊東語不可信也

初六日帖估趙昆山來得黃石公祠記連陰又宋真宗謝天書述二聖功德頌一通五大幅唐造像兩種聞丁亦康同年計距從五之殞僅兩年耳仕途一失足至以身殉良可深喟初七日得滬電內子等於明日上海晏船作南舅輓聯公家世德相承虎阜宗祠廿載親營高義宅母氏同懷已盡燕臺客郎一篇痛廢渭陽詩

初八日夜填瑣窗寒一闌悼南舅和前韵

初十日得杞齋函知君九已奉靈輓登輪

十二日山左趙估來得海州鬱林觀東巖壁記雖唐隸不易得也值一兩三錢

十七日午後移廟進城

十九日午後內子等到京

二十日填清平樂兩關

廿五日穎芝來談云新至延慶州過居庸關其地有雲臺石閣中有元人刻經及造四天王諸菩薩像刻經有蒙文當是唐古忒或梵書耳又云關溝三四十里中有蒙古人題名

廿六日夢華來談云會典館謄錄有宗室載武通樂律並屬購律呂正義

九月

初三日李雲從來得唐金剛經殘石一通宋元拓本各四通初五日史館知會補總纂憲齋奉旨毋庸來京候簡着即回籍當局者述可為太息

初六日李雲從來得舊拓東方朔畫象贊

初十日王雪澄觀察來談述蜀中新出石魚題名有姚彥侍所未見者

十一日聞赫德有電致譯署云臺灣全境淪於敵剽永福不知下落一

十二日李雲從來得襄陽峴山題名石幢龍華寺章和尚墓志又宋元石刻五通

十六日李雲從來得殘金剛經一通警空和上塔銘一通填解語花一闕賀範卿納姬

十七日得銅山明革五郎石幢金泰和乙丑張邦口文張預書鶴琴前輩所拓寄也

廿六日樊陽師母屬往檢視文勤師金石書藉插架塵封皆銘

心絕品也。彝器鼎四十餘鍾，二十餘卣，敦之屬皆以數十計。
廿八日至修文堂，得吳巢松外集一冊。

十月

十一日郝估來，得高飛雀碑一通，魏書，高議字飛雀，附高樹生傳。即此人也。又蘇軾黃樓賦，無量壽觀經殘刻，寶山隋唐刻，九分皆前得所未及。又金元碑七通，直共二金。

十四日小徐自蘇來，携示君九信一面，萬隱手稿二冊。

十七日忽聞平陽以難開兩宮革職，永不敘用。與長石農侍郎同予罷斥，迅雷不及掩耳。萬隱臨殯，以宦海可畏風諸公速還，真至言也。

廿二日李仲約前輩作古，雖未著弟子籍，雅有知己之感。即往哭之。

廿四日至海王村閱肆僅見網師園唐詩選六冊雖非佳本以選者為吾鄉先哲名字賢如出四十京泉得之

廿五日何估來以摹古廬金石一部與易指月錄一部會稽擬英總集一部徐觀園煙墨著錄一部

十一月

初二日閱廠肆得丹陽真人歸葬記一通李雲從來又得舊拓張允碑李廣業碑

初三日矮估來得唐高宗紀功頌一通

初四日赴彊學書局晤褚伯約姚菊仙沈子封三前輩研笑虞裳次亮伯唐

初五日翼甫來持示宋刻玉篇元刻廣韻皆海東携歸者細審實明初刻

初十日慶雲堂碑估來得安陽韓魏公祠堂記趙孟頫衛輝王
虛觀碑各一通

十二日彊學書局會議眾喙紛厖京朝士大夫又未盡化華夷
之見此局之設亦如麒麟楨而已

十七日慶雲碑估來得高益生碑一通又蘭陵王高長恭碑一
通有陰及碑額之陰皆磁州新出土

十八日訪鈍齋長談見王康州吳漁山錢叔美山水軸皆精妙
錢畫為文勤師舊藏鈍齋以十二金新得于嚴肆康州漁山
李玉舟新自虞山携來欲得善價而沽得朱怡雲書不通問
者四年矣勸早圖一郡以出毋致陸沉金馬真良友箴規也
廿三日赴會典館晤廉生出示三體石經拓本共一百十餘字
洛陽新出土索價五千金拓本一通索二十金分書尚佳古

文略似汗簡古文四聲韻其殆黎邱之技乎

廿八日精估來得陽阿故縣村造象一通河清二年在鳳台縣
三十日精估來得趙子昂書張成碑一通又馮暉賓姜纂造象
杜順和尚行記李陽冰三墳記各一通

十二月

初四日精估來得大智禪師碑乙速孤神慶碑各一通

初七日閻璵學書局為楊革伯所勅奉旨封禁到臺第一疏也

前邵伯英前輩彈毛西河亦虞山人士鄭黼門前輩請禁用

說文掎摭及於許叔重則莫蘆山人也他日常為三御史贊

以表彰之亦桑梓光也

邵學政上
疏非言官

銓下作儀體一首書佩鶴

湘絃秋夢圖後

初九日精估來得賈思伯碑涿州劉公重新孔子廟碑各一通

初十日得聚五函所假詩疏寄都遺失此本皆兒時句讀回首燈味不無懷惜古人以借書為不孝非無見也

十二日精估來得石刻六通元次山碑拓甚精昭陵德陽公碑前次老估索高價未諧今無意獲之可喜也

十四日宋芸子來新自歐洲歸言英陸軍不如德水師不如法又云中日之戰自平壤不守西人逆料我師不能再振

十六日作石城江孝廉慎中穀梁條例序平陽所命也

十八日聞夫已氏又有封奏一摺兩片不知狂吠者何事又聞北城於查封書局後出示至詆為不肖京官副憲楊榮波前輩命往揭之此老尚有是非也

廿五日午後挈孺兒至廠肆在肄雅堂得袁永之魯望父子合集一部景生許為傳錄可無須矣

廿八日至會典館見叔衡以武備圖二十卷屬再編校

丙申正月

初五日夜一碧犀煙壺蓋失手墮地家人共為惋惜笑舉唐子西茶具說告之

初六日閱廠得況太守集一部題曰況龍岡治蘇政績全集皆吾吳故實也又常熟吳蔚光素修堂集言朝標孟晉齋詩各一部吳郡文粹一部康熙中施氏活字本又見殘宋本後漢書一冊帝紀楮印俱精索三金未為居奇子培堅欲得之祇能讓一頭地矣

十一日振青來談云爛鋸胡同有陳姓出售家傳書籍同車往閱之主人適不在廡遍覽插架有明刻鄭玉師山集吳儼竹洲集大唐創業起居注本朝刻程秘沼水集尚為善本顧湘

舟韓蘄王祠墓記蔣子宣昭代詞選為吾吳掌故亦可得因
留一字詢書值又至琉璃廠肆携歸殘詩二冊舊鈔本首尾
不具中有贈吳中丞詩自稱名為駿又稱先君司寇先叔父
相國按郡志康熙中進士有崑山徐駿號觀鄉健庵為司寇
其兄元文陟台輔駿當為健庵子其詩多詠玉山又多鄒尉
漁洋諸篇蓋徐氏墓道在光福也

十七日見重伯所釋詩義力攻毛傳為偽以如日之升如月之
恆及如臨深淵如履薄冰為取卦名對又以在河之滸及在
河之浚在河之潯為中藏辰巳午三字皆近小慧

十九日得鄭師山集一部又韓蘄王祠墓記二冊

廿四日彊學書局改為官書局奉 旨着孫家鼐管理又聞擬
毓慶宮寫知止堂文集八卷補遺一卷畢

廿六日至鈍齋寓久談見新得李翰林集似宋刻明印

廿七日晨往會典館見唐搢卿前輩知道希因爭提調與掌院有違言甚可笑也

二月

初一日茲明之弟自山海關來述駐防各軍兵額不實操練不力可為浩歎

初七日得平陽函見示乙未歲暮雜詩

十七日道希為楊辛伯所糾牽涉松筠庵公摺及內監文姓事革職永不叙用驅逐回籍母許在京逗留鈎黨之禍近在眉睫明哲之士所當深戒

十九日聞松竹齋有寄售書籍往觀惟宋本唐文粹有東海袁尚寶家藏圖記尚可取

二十日徐積餘以知府引見自江甯來云張通妻陶貴及戚高墓志兩石皆為其所得

廿三日昨日戶部災自大堂以內盡付一炬惟銀庫尚存錢庫焚其半各司辦事之所亦俱有波及

廿五日得彥和東從槩軒昆仲索得陶鳧錦先生詩詞集一部見貽

三十日得積餘書以高延福張布古墓誌兩通見贈本靈岩山館藏石今為吾郡蔣氏所得蔣流庸淮安積餘從淮上拓得三月

初三日鍾估來得唐太極元年王天墓誌開元七年郭夫人墓誌各一通

初八日至會典館交武備圖說十卷毀五畫璫不過為人任咎

耳稍估來得唐鹽池靈慶公神祠碑潘尊師碣姚彝碑狄知
慈碑各一通

廿二日老估來得魏普照寺造象

無年

及大定鐘款

廿四日至翰文齋略生見朱長孺計甫草雨集索值至十餘金
廿五日作釋幢一首

四月

十五日造平陽見舊鈔初學集至精又一坊間求售刻本索三
十金此等書皆插架不可少之物既苦囊空復遭高價付之
一嘆而已孟樸贈所著後漢書藝文志補攷六冊

十九日芝雲悼其亡姬以感懷詩六首見示為填木蘭花慢一
闋

廿二日作七古一首題費芝雲山寺品泉圖見巢隱弔卿諸人

言一
舊作為之黯然午後聞潘師母病增劇即往視

廿三日晨起即至滎陽午後以延笏老不至自往訪之

廿四日午後至滎陽祝年仲午皆自南來同人為之欣慰

廿八日作華表醫方跋二則

廿九日跋高延福墓志一則

五月

初一日至滎陽省視

初二日午後聞潘師母竟不起即駕車往

初六日 先慈李太宜人十周年增壽寺念經同鄉皆至

初七日至河陽省視仲午贈石湖自書田家樂府拓本二冊舊
為文勤師所拓者愴念人琴不勝感喟得王子展太守書廣
雅還執平陽師及安波年丈之力也

十七日作 先大父事略一首

十八日聞仲午達得南電其婦病劇明晨束裝非口舌所能爭矣

廿三日夏間枝自南來談帶至蕢風一画在江甯訪得鍾山題名六段句容紹聖石刻金剛觀音賢劫三經茅山唐咸通題名

廿五日至隸古齋見新到書目初學集二部顧氏文房小說四十種已為搜足者取去鈍齋類稿索二十五金靈芬館集索三十金望洋興歎而已

廿六日昨從廠肆取歸抄本三朝事案一部北宋一卷題北宋遺民著南宋一卷題鄭思肖著甲乙事案則吾吳文秉所著也細閱之北宋事案即南爐紀聞惟字句稍有改易南宋事

案即井中心史惟文氏書不得其踪跡據郡志一卷而此為四卷文所著烈皇小識刻入明季稗史彙編當取而覈之廿九日我山晨來為其太夫人求七十壽序夜作杜秀墓誌跋一通

六月

初二日得會典館知會補纂修

十二日得夏閏枝函贈桂林石刻百五十通

十三日核點桂林各拓視舊藏增二十六通

十九日為我山同年太夫人作壽文一首我山為東林劉練江先生九世孫端臨先生曾孫也太夫人吾郡顧氏其祖父思亭先生乾隆中舉召試第一為丹徒學官得康吉書經幢目錄一紙蔣仰韓所藏有五通未著錄

廿三日作滄州知州王蘭村先生墓誌銘一首李熊前輩之先德也

廿七日得康吉書諷納逕亦知此着為應有之義二毛斑矣一囊之粟不足以贍妻子廼可啟金屋乎

七月

初二日作丁雨生中丞百蘭山館詩序代平陽師

初四日閱持靜齋書目其書皆得自吾吳葭海樓鄉先哲遺集不少錄於後

六家詩名物疏 明馮應京撰 萬厯乙巳刊本

周禮纂要六卷 錢謙益撰

夏小正輯注 范家相撰

十七史經說十二卷 昭文張金吾輯 抄本

論語商二卷 周宗建撰 明刊本

通鑑紀事本末補四冊 國子監學正王延年輯 鈔本

先撥志始 文秉撰

酌中志餘 共十種中有虞山陳際天啟宮詞 鈔本

明朝小史十八卷 呂毖輯

懷賢錄一冊 明沈愚集宋劉過事實及宋人題贊

杜東原年譜一卷 明沈周編

吳乘竊筆 明末崑山人所作 知不足齋抄本

吳中水利書二十八卷 明張國維撰

靈岩山紀畧 國朝王鶴趙西同撰皆太倉州人

毋欺錄 崑山朱用純

頌天臚筆二十四卷 東吳野臣金日升輯

顧文康公文草十卷詩草六卷續稿五卷三集五卷疏草二

卷 明刊本

莊渠遺書十二卷 明魏校

雅宜山人集十卷 明王寵

袁禮部詩二卷 明袁袞

甫田別集四卷 明文徵明

歸季思陶庵遺稿二卷續稿二卷札記二卷拾遺一卷 明

歸子墓 舊抄

考槃集六卷 趙宦光之妻陸卿子 刊

紹緯吟十二卷 東海徐媛小淑氏范允臨長倩之室 萬

曆癸丑刊本

循滄集二卷 姚希孟

節必居稿一冊 明長洲劉曙公旦

穀園集三卷 明末虞山楊葵子常 念昔居抄本

沈君庸集二卷 明吳江沈自徵

葛瞿庵遺集 明葛麟撰字蒼公死事

宮詞紀事二卷 宋吳鶴樵錢位坤撰

一老庵遺稿 徐柯贊時 陳鱣抄本又康熙間刊本四卷

居易堂集二十卷 徐枋

橘巢小稿四卷 王世琛撰

吳吟小草三十卷 長洲顧志沖 稿本

金蘭集三卷附錄一卷 明徐達左編 萬斯同手鈔本

春秋詞命三卷 明王鏊 正德丙子刊本

師子林紀勝附拙政園題詠一卷七姬冢誌詠一卷 紀勝

明釋道忞撰 拙政園題詠文徵明撰 舊鈔有黃丕烈
手跋

吳郡文粹續集五十六卷補遺上下二卷 明錢穀 舊抄
本 黃丕烈手校

宋金元詩刪三卷 吳枚庵手稿

寶印集六卷 王之佐編 岳忠武名印題詠

吳下尋山記 黃安濤顧沅編

續名賢小記二卷 徐晟撰 晟字禎起樹丕子 嘉慶乙
亥吳枚庵手抄本

金石萃編一卷 顧沅 鈔本

古儂府十二卷 明王志慶編

聽漏吟卅一冊 顧沅手稿

初八日揭陽丁君惠康來號叔尺雨生中丞之子

十一日作持靜齋書目序一首吳問潮贈石印化度寺碑一本
十二日丁叔雅晨來頗好目錄之學楹書之效也

十五日得房山石刻佛經共一百數十紙直四金

十六日未市籤架自宋元精本外將付廠肆偕鈍齋往檢視祝
老所視為土苴者皆精本也宋刻皇朝文鑑王刺史記皆缺
首函亦不知何時散失為檢出上駟數十種風其勿輕一擲
祝老意甚漠然吾輩節衣縮食以收故紙可以已矣平陽師
以持靜齋書目見貽

十七日謁平陽送別

廿二日至未市見鈍齋諸公從祝年丈乞得鮮于氏里門碑一
冊得從珊書贈仙壇山銘拓本聖歷三年道士周道賜書畫

在江甯覓得拓手三人分拓上下江蘇湖貴池句容溧水等縣石刻

廿四日至米市裝碑版二箱宋元舊拓雲烟一瞬見朝鮮石刻幾二十種祝年丈以摹古款識一冊見贈

廿六日至米市理出金石目錄書二匣廠肆來封價肆雅翰文各三千有奇修文減三之一

廿七日讀初學集

廿八日至米市見鈍齋文勤所藏石刻三箱廠肆覲覲已論值矣亟與鈍齋出百金購之殘碑廢瓦狼藉滿地余檢得唐善業造造象二龕乞歸藏之祝年丈又以鄉先誥著書十三種見貽皆可寶也

廿九日知米市書為翰文所得四千一百金

八月

初一日龍伯鸞來談將以同知需次皖省

初四日伯鸞以舊刻事文類聚屬為評定明萬厯乙亥本也

初六日叔雅志梁先後來久談兩君以四百金合得鮑子年舊藏拓本十一冊

初七日葉煥彬史部德輝來談贈所刻沈下賢集阮氏三家詩補遺及所輯許氏淮南問詁淮南萬畢術各種煥彬本吾郡洞庭西山人其祖游幕楚南遂入湘潭籍詢家譜甚殷僕告以公楚籍真吳人余吳籍真越人也

初八日得積餘書贈張通妻墓志戚高墓志進士某君墓誌李義堂造象尼禪大德塔銘毛公夫人邵氏墓志蔡夫人張氏墓志共七通

初十日得煥彬書欲為其友李戶部借醫心方夫以從未親面之人遽相通假則不待杜還而知其不可矣以新刺世說新語見貽前有佚文刊訛引書目皆其所著也

十二日從丁叔仄借四友齋叢說一部讀之中一則云蘇州士風前輩喜汲引後進而後輩亦皆推重先達有一善則褒崇讚述無不備至故其文獻足徵嗟夫吾生已晚不及見此風矣

十三日致子良一紙為開篆隸碑目頗不苟不知可比蘇齋唐碑選否煥彬來談述所著有宋元板本攷論泉絕句自是吾宗巨擘僕告以公讀世說太熟舉止謦咳皆可入臨川之筆不覺大笑

十五日同人大會於陶然亭不知誰為職志但見所到者皆慘

緣少年亦不及通姓名且有朝鮮兩陪臣聞風而來係叩關
請東援者欲來機結納真在醉夢中也拂袖先歸至經士處
使人促鈍齋曰亦可出矣恐辛伯先生又潦絕好史料也得
鄭芷畦石柱記箋釋一冊粵東金石略兩冊

十七日閱史館山西地理志高葵北前輩所輯

廿二日訪陳松山前輩借述虛北郭二集松公養明詩紀事搜
羅明人集最富許仿倦園流通之約盛德事也文昌館何估
來持到碑目一紙皆河東三匡之流落在外者也內有經幢
六十通唐碑可取者惟百門陂割牛溝小石橋兩種即致鈍
齋一紙告之

廿四日得鈍齋來以所得滂喜拓本分貽簡州永州肇慶七星
巖武昌洪山石刻及漢唐宋元碑數十種

廿五日何估來持到各種石刻百門陂沐澗魏夫人祠兩碑皆無陰惟一唐隸索六錢細閱之廼房仁裕母李夫人碑也可謂饕餮之餘瀝已

廿七日至鈍齋屬久談携歸經幢十餘通湘中題名二百餘種皆陸星農先生所拓者尚未啟緘星翁所開目錄手跡如新使入廠肆當不知若何居奇也經幢挑燈整理未收者祇四種外兩種舊藏非全本可補缺

廿八日夏閏枝來述筱珊因與掌院爭紀慎齋入儒林大考為所中傷日前接見同署諸君昌言不諱

廿九日得閏枝書贈孟鄭公殘幢拓本其家所藏石也訪子良携歸鮑年翁所藏金石陶器拓本五冊共三四十冊約八百通子良與叔正以四百金分得之亦豪舉也

九月

初七日何估來共唐碑三種宋元碑六種經幢十種詣價六金
通知河東三篋的落若輩之手則萬不能問津矣

初八日東叔雅為題宋本畫史實明刻也何義門蔣子遵舊藏
何有題字一行又顧河之一跋

十三日何估來以醫心方一部易得劉燕庭金石苑

十四日至同豐堂應子鈞之招座有瞿君耀生昆仲木夫先生
之孫詢以古泉山館集板尚存金石錄未付刊得鈍齋東饒
漢唐石刻八分內益州學館廟堂記楊岐山廣禪師銘雲門
山匡法師碑皆至寶也夜羹兒忽發壯熱若新感尚可所慮
者陰分燥傷耳為之憂而不寐

十五日夜羹兒壯熱咳嗽有痰深恐將成勞瘵如之何如之何

二十日葬兒身熱七日矣尚未退涼

廿一日得仲午函允以藏碑讓鈍齋

廿九日葬兒身熱退淨而神色沮奪然早起猶服杏酪一杯午
後子鈞伯襄同來診脈俱云病勢雖重不至驟變豈知夜分
十點鐘時腹中氣轉汨然一聲即目瞪口噤家人環呼不應
延至子刻溘然長逝嗚呼痛哉衰門薄祚僅此一子自春初
病瘳所以調護而補救之者無所不至藐躬涼德天譴難回
冢嗣傾亡楹書無付先大夫一脈從此竟絕如不佞者上無
以對先人下無以對逝者中無以見亡弟不祥之身塊然
待盡即謂同絕命於此時可也

十月

初一日飛函告佩鶴鈍齋子嘉彥和皆來唁即屬彥和往看板

七十五金發南電前月得牙牌數云黃金能解死八九得平安初以為吉兆不知歿於十月初一子刻言盡九月而止也繼又得一數一二三四五六七八九相乘數乃畢則更明告之矣昨午後又得一數云八九元功已有基頻添火候莫差池待看十二重樓透便是丹成鶴到時果過十二點鐘而遽逝始終不脫八九二字鬼神來告不啻耳提面命豈真數有前定邪此兒體質清羸知非收子然書淫墨癖頗有迺父風學問門徑亦了然洞澈前日新得劉燕庭金石苑尚摩挲不置而今已矣篋中故紙將來不知流落何人之手十年冷宦以此下場可勝痛哭

初二日辰刻大斂

初三日接三同鄉皆來唁丁叔雅來唁哭極哀

十二日閏枝來慰唁帶到筱珊函慙惠榻全皖碑版篋中舊藏者尚不知流落何所聞良友之言益增悲慟耳

十六日東松珊還北郭集轉瞬雲煙不知流落何所猶勤勤於此真一癡非一鵠矣

廿二日長春寺諷經同人推詆犢之愛並來慰唁不敢當也子勤同年為彝兒甲午薦巷房師輓以聯云魚龍百變風雨爭飛校拔得雄文方期海錄成書史筆克繩名父武金刀掩芒長淮絕涸傳經餘著目留得斜川小集清才合讓後來多秦幼蘅水部輓聯云天道本慈使我辭情續司馬詩人遺事為君雪涕說非熊並繫小序語極沈痛得鳳石唁函知榮林聞凶耗吐血兩口渠兩人齟齬至交宜其哀痛至此況當局者其何以堪邪

廿五日範卿哲嗣蒼生在津夢奠兒往訪面色黝然詢以病狀
微笑不語但云吾儕文社中人不壽者有廢疾者有喪明
悼亡者相與悲惋而寤翌日而聞訃蒼生婦善病因悼亡一
語頗以自危松珊云藏有吾吳丁奉南湖集徐源瓜湮集許
假鈔皆亡兒所極欲見者今則已矣雖有奇書誰與共賞邪
廿八日夜夢至一院落詢奠兒蹤跡則云從蒿隱往矣蒿隱今
之石曼卿奠兒倘得侍蓉城地下猶為得所耳
廿九日夜大風怒吼奠兒病中畏風聲今日蕭寺一棺狂飈撼
壁思之痛絕

十一月

初一日寄姚子梁一函還拓本五冊

初二日至鈍齋寓見印若所寄高麗碑目七十通皆沈韻初所

藏劉燕庭舊拓索價三百五十金韻初石墨共有五千通其
家留至精者約千通盡以出售又經印若此懷徐翰卿諸君
選其精騎又一千種今共存三千通在此懷處
以十三百英
餅得之聲言
千金四稗販欲得二千金使藝兒在聞之當為色飛眉舞今則
已矣轉瞬為劉沈之續而暇問津邪

初四日得夏閏枝書筱珊寄到江甯當塗拓本樓霞四十種茅
山十二種鍾山四種三宿厓六種祈澤寺十一種方山三種
牛首山三種礪記三種零種六分
江采石磯十一種當又溧
水縣五種即携置藝兒靈座呼而告之寫姚少師逃虛稿畢
初六日東松珊還逃虛集並段以珊瑚木難一部又借歸瓜涇
集一冊丁吏部集殘本三冊去歲與藝兒言桑梓洗賢集如
丁秦諸公天壤間恐無傳本今遺書出矣而人不及見痛何

如之

初九日作七絕六首題張孝達丈尺牘辛未閏後孝達丈與潘文勤師議會諸名士於龍樹院此手札七通皆言治觴召客事經學詞章各有品目河陽南歸夏閏枝太史得於故紙堆中裝池成冊以不佞平津舊客屬為題之適覩亡兒之變今甫下筆唯歎不能成聲也

十四日得史館知會知楊廷所遺提調一缺以不佞充補十七日唁楊庭晤之舊令尹之政盡以告新令尹午刻到館供事來見者約數十人土地廟拈香

廿五日煥彬來談古泉云所收甚博有匏子年李竹朋未見者廿六日到史館携歸庫存書目一冊內蘇郡縣志闕常昭惟潘道根儀禮今古文疏証爾雅郭注補翁廣平聽鶯居文鈔皆

未見之本

廿八日閱靈鵲閣鼓書三集內多藝器目有蒲生沒民遺著
廿九日彥和世兄孟毓為余錄知止堂詞一卷畢

十二月

初一日王子獻同年來贈王復齋鐘鼎款識一冊

初四日夜寫瓜涇集畢

初五日在柯庭處見南樓老人畫梅甚精後一王西莊跋則贗
鼎也

初六日錄丁吏部文選於是日始

初七日鈇齋新得海東石刻七十種皆劉燕庭物

初九日校藏書紀事詩續成楊文貞士奇一首

初十日訪鈇齋觀香光畫冊遍閱海東石刻

十一日訪仲復携歸孫仲容所著墨子閒詁一部仲容見詒也
十二日記事詩中補香生一首於守財虜頗致微詞所謂箭在
絃上不得不發也

十五日史館堂期見松珊松珊撰明詩紀事洪武朝三十卷已
付梓與論明人集部如數家珍黔中人士能守莫鄭之學者
當屈一指昨在鈍齋處見嵩山珪禪師憶記八分書極精近
在中州且為孫趙所收之品而五百經幢館中竟未著錄亦
一缺典也

十六日補陸剛父觀察藏書一絕又校正怡府一則存齋斥明
人書帕本之譌又詆各家刊本動云不如不刻而其所刻書
亥豕豎橫觸目皆是本擬贈以二句云一語請君還入甕刻
書容易校書難既思反脣相譏非所以待逝者特刊去之

十七日答朱益齋前日有人持兩學院公函並副啟募賑捐知其偽也善遣之今日果得徐中堂傳單知會並聞益齋松珊已被誣八金冤哉

十八日鈇齋交梅李經幢虞山佑聖道院記拓本君表所寄貽也

廿一日得蔚庭函云粵中譚制軍新刊聚珍板叢書以閱本上本真不如不刻矣聞寄姑訃痛絕校邨廬中同筆研者僅存不佞一人矣與諸君相見地下當不遠耳

廿七日訪子虞前輩晤之子虞留心掌故云杭郡名賢如厲樊榭吳西林皆無後董浦先生有一後人在蘇需次亦式微慰藉之意見於詞色但不佞非其人耳

廿九日夜記 先後顧無人子然獨拜悲從中來不覺放聲長

物

丁酉正月

初六日閱廠肆購觀古閣叢書一部禪林僧寶集一部毛叔美
西河題贈集後附悼逝誦芬二集又雙陽星齋椒坡時軒諸
公倚聲稿數冊

初九日虞山師招飲弢甫云香生所藏越州石氏帖在廠肆索
值二千金又國初諸公尺牘十六巨冊

首葉索八百金

十一日獨游廠肆得李紳龍宮寺碑一通得小徐東蒿隱所遺
明賢尺牘數百通弢甫作緣歸於盛杏蓀

十五日校藏書紀事詩畢頗有改定又增宋榮王宗 一首樓
攻媿一首近楊幼雲一首附以崇詒鈴方伯明姚翔卿下涂
附彥侍方伯喬梓

十六日至廠肆流覽在何估處得新印吳詩箋注一函在翰丈
齋得徐秋士銅仙錄一冊蓋印本精極僅二十餘葉值一金
蒐圖諸公之購宋刻想亦不過如此

十八日得建霞書徵刻潘文勤師海東金石記蒿隱遺稿聞某
林客臘廿五日作古天乎鳳老不幸為鄙人之續其將何以
為情乎

二十日昨從史館假歸聽鶯居文鈔一部未刻稿也翁廣記莊
平撰延鑄史案及吾郡奏銷案酷吏非刑奸民告變諸君對簿西
曹彈築東市聞之傷心慘目

廿三日夜作孫真人華表醫方第五跋

廿八日至子梁處久談見新得翠岩精舍本陸宣公奏議郎注
審其紙墨當是明翻本以公牘紙背印紙背間有口陽縣印

又明刻西漢文類名臣言行錄尚精又嚴氏古甌錄吾邑嚴福基梅存所篆刻前有阮文達隸書引首五字瞿木夫翁海琛諸人序兩冊不及百番索二十五金真奇談也

二月

初三日京察一等引見丑刻赴西苑門文古齋陳估送來石刻數種相緣為余諧價得之乙速孤神慶碑薛收碑皆舊拓裱本余所藏昭陵共缺四種得此則惟少姜遐崔敦禮二刻本無種子矣又唐墓志三通司馬夫人孫氏元和十五年王從政開成元年鄉貢進士劉可記撰仇道朗萬歲通天元年初四日宋估來得舊拓趙文敏珊竹碑在儀徵縣不易得也又柳誠縣魏公先廟碑李楷洛碑

初五日訪梅家見鈍齋云在隸古見舊榻史晨前後碑索四十

金嶽麓寺碑索三十金宋拓懷仁聖教序索四百金

初七日京察一等人員同署奉 旨圈出二十人昌熾在其列

十六日京察覆帶丑刻赴西苑門卯刻引見

十七日同人在邑館為康民祖帳

康隨張樵楚星使赴英

偕相緣往知同

署記名十三人昌熾仍在就刪之列

廿一日陳佑送至臨川李氏石印各碑夏承碑越州石氏帖皆

陸謹庭家故物並臻神妙北海雲麾碑即都中模刻祖本也

廿三日得筱珊函知前拓江甯石刻每分三十六元當頭一喝

三日耳聾又言沈韵初三千二百通已歸之矣內有燕庭章

漢吳子苾韓履卿手跋本吾郡開趙埋銘張伯顏壙志皆在

其中世間更無他本矣奪環寶於賈胡之手此懷可媿印若

知而不告亦未可輕恕也直英餅二千枚筱珊售去沙田本

擬置宅移以得此勇哉此老癡哉此老

廿四日鈍齋携宋拓殘本陝刻永興廟堂碑見示王彥超結銜
多十餘字亦沈韵初舊藏有跋二則

三十日澄雲閣帖賈來得乾元三年巴州佛龕記隋薛廣德造
象唐墓志五通直一兩六錢

三月

初二日夜校奏議丁禹生中丞條覆總署一摺淋漓痛切東顧
之憂曲突徙薪尤非衮衮諸公所夢見

初七日至子封處出示南海李宗顯李旣藏石拓本共二十餘
通造象最多邵淵之誅徐嶠之文史維則八分書豐碑也又
蕭思亮墓志李家村金剛經幢保唐寺燈幢贊皆在其中咸
通辛卯尼又玄為其姑造經幢大中十四年經幢皆余所未

見李君為仲約先生高弟書法可以亂真又至鈍齋屬見印
若寄售拓本二十種多有劉燕庭印金石苑所著錄者菽風
之棄餘也鈍齋以高麗智澄法師碑見贈

初十日澄雲帖估來得天統元年範顯邕造象一通文林帖估
來得唐乾封二年重立延慶寺道場碑一通老估來得焦魏
碑一通三刻皆新出精妙

十四日游廡肆在翰文齋得印印川鵬天間遺著蔣子延棊來
存稿共三冊滂喜舊物也又南漢大寶元年匡真大師實性
碑雷岳文薛崇譽書在廣東乳源縣吳蘭修南漢金石志云
已佚當是近年復出土也又在隸古齋携歸少林寺廚庫記
一冊貞元戊寅顧少連撰崔澹書舊拓祿本索四金又見舊
拓史晨前後碑索六十金顏魯公家廟碑亦索六十金

十五日夜文古齋帖估來得卧龍寺庵字贊一通

十八日編定藏書絕句目卷一六十九首宋附見五十人卷二

七十五首明連遠附見六十五人卷三十六十八首明附見四十

五人卷四六十五首國朝附見五十人卷五五十九首附見

三十五人卷六七十首後附釋道贈書換書附見四十五人

共四百有四家附見二百九十人

廿二日得印若書寄到所貽石刻五通大悲竊讚銘元和十二

年五月再建圓覺大師塔誌大中七年陳寬文崔倬書升仙

廟鄭畋詩乾符四年昇仙廟興功記乾甯四年鄭珏八分書

武岡州金剛經偈開禧丁卯盱江吳中書八分學窠摩厓共

八幅

廿四日訪蔚若評印若寄售石刻鄭太尉祠碑有瞿木夫顧千

里跋千翁又為釋文及錄錢晚徵跋一則於後舊拓十三行有鄧山周容題字王良常張叔未兩跋停雲刻懷素自敘帖亦有叔未跋七姬權厝志沈約初跋以為真本實則楊用修翻本也徐士愷子靜所藏有王敬美王元照兩跋者過真本也又天發神識碑後石豫題字視誤為親而誤為兩缺誤為族其為摹刻無疑殆即吾郡張竹珊所重開也當時即充真本得巨價又舊拓褚登善十字文董香光釋迦如來成道記雖無題跋卻致佳復訪荏南見三監本皇甫誕碑

廿六日史館堂期見子丹言定州王孝廉文泉藏書極富幾輔叢書即所刻也身後其子不能讀父書武清朱九丹好收藏金石新以二百金從晉估得石拓兩麓內有顧亭林王山史兩公手跋本晉估將携至都門道出武清要而得之若至廠

肆則奇貨可居矣

廿八日聞廠肆劉佑新自閩中販書來寓文昌館往觀之皆餒餘無可朵頤僅得吾鄉陸白齋飛白錄二冊漢魏音一本余所藏北江遺書少此一種可以補缺也

三十日得陳紫曙前輩書為余捐得青龍鎮經幢簿蒼澄雲閣帖估來得唐墓誌六通同州聖教序宋石狻猊贊各一通又口口廟功德記篆額廟上字殘泐夜寫丁吏部集跋

四月

初二日從隸古齋得少林寺廚庫記一本貞元戊寅顧少連文崔澗書尚是百年前拓本惜非名帖耳

初三日到史館子丹携廉生所藏唐儉碑見示約存八九百字審其墨色當是乾嘉時拓本廉生以百金得之謂為宋拓可

為敝帚自珍矣

初五日得夢華函為余拓得肝胎題名檢理石刻開元紀泰山銘後諸王羣臣題名為明人漫刻惡札吾郡楊儀韓世能兩公亦在列不能為鄉先生諱也

初十日得筱珊書方刻藕香簪叢書所列目有汪端明校石林燕語殘本河南志大元海運記元馬政攷宋十三處戰功錄殘本中書備覽擬刻三十二本

十二日得西羹緘請以蒿隱寄蜡附儒林傳此事自有公論非朋友之私所能華衮也

蒿隱入文苑可無愧色

十六日得仲午書憲齋江甯一席知眾論未孚意欲見機而作鄙人如可借以藏拙洞霄清祿何必輶車哉

十八日康吉招三勝館店側迤西一小書灘下車試往流覽有

鈔本好深湛思室詩鈔六本吾吳孫義舉子和所著也又華
嶽石刻三四種合裝一冊酒肆主人為論直以一金得之
二十日昨澄雲帖估來得淳山慶唐觀紀聖銘一通八分小字
極精

廿一日寄筱珊函筱珊前託王旭莊同年帶到江甯毗陵石刻
又從閩枝處寄至李忠毅穀落落齋集繆西溪從野堂集陳定
生遺書遂初堂得月樓書目皆常州先哲遺書也

廿三日得印若書寄至舊本書目一單內有北宋本楊子雲反
駁宋九行本陶集東澗手鈔明人詩集皆張美初藏本元本
黃文獻集菴芸藏本明本溫公稽古錄黃茂翁校本有葉石
君跋明初本翻譯名義

廿七日得仲午書寄至潘師母墓志二十分撰書篆蓋皆此懷

之筆

廿八日檢理經幢先後又增著錄四十餘分

廿九日偕相緣訪鈍齋同游棗花寺觀青松紅杏圖卷己丑舊題墨瀟如新而蒿隱已作古人矣鈍齋諸公請題衲子堅拒埽興而返

五月

初三日文古齋帖估來得大忍寺門樓碑一本又陰一冊較萃編著錄本約多百餘字蘭泉所見係翦裱本前後錯亂此本亦不能無誤也

初八日鈍齋晨來携閩中黃癭瓢畫鍾進士立軸見示訪荳南聽事亦懸癭瓢鍾爐著色旁列數小鬼鈍齋本係墨筆一人持劍奕奕有神同日見兩本皆精亦眼福也

十八日蔚若來携徐侯齋澗上草堂圖徐電發振江漁父圖徐山民夫婦柳陰雙槩圖見示澗上圖係山民補繪前有侯齋先生小像並遺屬手跡殊閒如王述庵潘榕皋石琢堂梁山舟五公篆隸引首嘉道以來題詩甚多漁父圖顧燾所繪後列菊莊自撰傳一通徐立齋梁棠村諸公詩竹垞折桂令五闋絕佳雙槩圖則皆當時斗方名士無可采者等語自鄙可矣

廿一日莊小尹自蜀來餽新刻杜樊川集倣宋頗精為相緣跋程念鞠鄧尉探梅圖附題小詩二絕

廿七日至修文堂得徐菊莊本事詩二冊

廿九日得子梁書病已大愈索元刻分門瑣碎錄消遣病魔即為作一跋引澗蘋復翁詩為比

三十日取篋中松雪書三種增以明人精刻各種圖朝楊大猷書一通合裝上下二冊題曰治庵室集帖此為第一集以後隨時裒輯似較諸家法帖轉展裨販者為別開生面

六月

初四日到廠肆從何估處得徐葆光中山傳信錄三冊又從譚佐處携歸少室山房筆叢一本索價甚昂內經史會通一種有藏書故實前此所未見也請康吉傳錄以備采補

初六日史館堂期見蔣性甫贈友竹艸堂集四冊其尊人著生先生所著又青草堂文約一冊趙苕衫觀察著兩公同鄉同官山左同以古學相切劘今苕衫歿矣昨矮估來得石刻四通內大中四年大雲寺經幢座至精

初七日蔚若來贈橘巢小稿一冊吾吳王世琛艮甫著文恪之

喬康熙中殿撰今知者尠矣補撰元紐鄰之孫藏書詩一首
及錄宋濮安懿王明嚴分宜胡元瑞王弇州昆季童子鴻諸
人事跡

初八日俊估持示醴泉銘一本云是宋拓霞字蔽虧字已損且
有廓填之跡然結構尚在神采亦奕奕照人自是佳本

十六日得正卿書夏厚庵請改其父子松先生列傳手跡二紙
筆則筆削則削約數十條使名臣之後在朝者皆援此為例
則史官為贅疣矣不得不峻拒之訪鈍齋贈高麗朗空大師

碑石南山後記

即朗空碑陰

圓真圓師碑

十七日觀漢石經殘字舊拓磚塔銘趙子昂鮮于伯機墓志皆
沈韵初舊藏小韵携來銘心絕品也

二十日小雲送示唐人寫經一冊甚精文古帖實來得韓國昌

韓允忠兩碑二金

廿一日驟雲執贊願在弟子之列師命不敢辭

廿二日藏書絕句中補無為軍道士一家附宋陳景元之下

廿三日老估來有晉史匡翰碑後唐李存進碑殘本與詣直居
奇不售此估真老而昏矣前日矮估來得陝州孔子廟堂碑
朝議郎行陝州司戶參軍田義暉書田字尚完好乙速孤行
儼碑他書著錄皆作白義暉非此碑無以証之真一字千金
矣

廿四日印若寄售石刻二十種余留簡州周七奴施田記青城
陳氏墓道碑兩種旭莊以陳伯潛家藏唐墓志四種晒本見
貽皆精品也沈筱韻來所藏漢石經殘字云尚有至精者行
匿所携其副本也

廿五日問清同年招全浙館出示新得舊拓魯公家廟碑宋刊
魏鶴山全集有苑圖兩跋竹汀題字三則宋刻元明兩朝補
刊史記元大德丁未建康路明道書院刊新唐書亦有明宏
治補版皆精文估來得趙書梁天翔碑平遙縣蕭山大成殿碑
陰鮮于伯機書唐幢兩分墓志造象各一分楊幼雲藏書詩
增入其侍姬月媽掌書印聞高陽師計

廿七日澄雲帖估來得粵西興善寺舍利塔銘巴州楊百藥摩
崖岳州洞庭君山崇勝禪寺鐘銘及雲版鐵鍋題字蓋屋翻
經臺元人道德經長明燈臺殘拓唐墓志二通新出北魏高
慶碑約二金

廿九日得史臣翰碑一通

七月

初十日得唐召皆同年書融縣真仙巖石刻十六分病榻摩挲不能偏讀也

十九日沈小韵來持示梁師陳墓志有毛槧香雨跋精拓可愛又一王僧墓志初拓本澄雲帖估來得宋開寶經幢一通殘拓四五種皆樊文卿勅以市籍祿糊固哉此更如此胸襟安能說古又唐殘幢一通元復業墓志一通留指價

廿一日得君九一函金華金錢寺已燬經幢尚存相輔高峻非開架不可拓駭估來得游師雄昭陵六馬序一通

廿五日理融縣老君洞石刻凡謝氏金石略所未收者六種應山王延年題名淳熙戊戌三山李君勛農記慶元丁巳林昱

題詩嘉定十二年雙井黃杞題名紹定庚寅松庵道人詩淳

祐季夏郡守趙進臣詩無年月亦有舊有而此次未拓者據

召皆云一因廟壁神龕遮掩一因俗人劇舊刊新甚可惜也
廿六日宜古帖友來得唐李光顏李良臣李光進三碑五代同
光李存進碑直二金在此時為上駟矣

廿七日理江夏洪山寺造塔記共十二種孫伯開著錄僅八種
廿八日永興王佑來得至正八年順德路開元寺護國仁王佛
閣堂記沙門雪巖法禎文李思明書李雲從自山右歸來見
僅至澤州壽陽而處得石刻八十餘通去歲束裝時亡兒尚
商權目錄今祇能陳之靈座平生苦心搜訪將來誰為收拾
言之增慟

廿九日沈青韵來介相緣顧列門牆以鮮于伯機墓志為贊得
君九函寄贈金華金錢寺經幢一通大中十一年于知仁書
連日驟獲珍品老眼摩挲興酣神王一回思付託之無人則

又掩卷流涕

八月

初一日高陽師出殯同年集餘慶堂路祭知相緣得湖北學差
初三日莊小尹來饋唐刻經殘石一方又拓本數十幅皆唐經
殘字據云在四川灌縣

初四日夏閏枝來未見送到筱珊一緘及新拓貴池桐城潛山
三縣石刻自來搜羅碑版者皖省著錄寥寥今驟得鉅觀非
筱公不能也筱公又言憲齋所遺一席峴帥以遺其姪婿龍
松岑林下菟裘又為畫餅惟有浩數而已理山西石刻畢未
著錄者七十九種內經幢八種以平定如神頌并陘承天軍
城記為巨擘

初五日得幼中函附到季士周方伯一電為定學海堂講席常

熟師之力也其意可感不能自振亦可恥也

初八日子以前輩來久談欲以南著詞章一席見屬愧不敢承告以津席甫有端倪南北未能遽定澄雲帖估來以二疊碑與易宋題名二通造象二十通皆杭州湖上刻有潘文勤師藏印唐潤州朝陽寺鐘銘新拓索二金還之

初十日郝估偕一王姓自山左來所帶拓本無可采僅得宋碑一通元石五六種武梁祠畫象題字全分

十一日僕估來得明人重刻表忠觀碑唐興寺碑游師雄昭陵六馬贊趙文敏敬君墓碣金大定孟州河陽縣法濟禪院鐘銘直二金

十二日遊廠在新開之訪古齋得彭川壩口鎮新修塔記舊有一通無陰此有碑陰且有劉燕庭打牌記又天會十年涿州

智度寺邑人供塔碑銘在隸古齋見舊拓魯公東方畫象贊
神采飛動韻致絕佳與通行本迥異乃知後人譏魯公書為
惡札者但見近拓本耳他人書新拓尚可觀惟顏書稍漫漶
即挖之愈挖愈失其真非見舊拓不能知也

十六日康吉出場見示闡藝大氣盤旋高挹羣言用法而不囿
於法以老眼論必售之作也

十七日相緣購書插架廠估趾錯於門余亦得李薌沚校經頤
集杭大宗道古堂集各一部蘭楣贈鎮江學嘉熙鳳圖石刻
前賢著錄僅有圖下八分書贊今別有篆書一石無年月文
字剝蝕亦非近時刻也

十八日何估送史西村集來乾隆丙寅十一世孫開基校刊本

頗精

廿二日子嘉來出示試藝與康吉異曲同工所見以二君為瑜
亮東松珊借張適甘白集舊抄本有覃溪澗蘋藏印顧兩印
皆倒用與覃溪如雨已之相背疑以此示微意也又舊抄謝
孔昭集有吾鄉璜溪吳氏印得士周方伯書景月汀齋使關
聘一函延主天津學海堂講席歲修四百金

松珊前輩所示書目

平橋稿 鄭文康濟美錄 陳鑑 司勳集 皇甫 松廬集公槐集

棘門集薇天集丹黃集 均姚希孟 隱湖唱和詩 毛晉 金蘭集

徐達左 澹思集 劉鳳 崑山人物志 張大復 湖山靈秀集 席珩

九月

初一日史館堂期見松珊言書價之昂招徠書估之苦於此道
真三折肱也

初二日燈下檢理七星岩石刻視粵東金石略闕五通增十三通

初七日黃伯雨使至貴到盱眙石刻並萬年少間古古兩集均夢華所貽也黃公度留贈所撰日本國志一部訪古齋來得趙文敏膽巴禪師碑

初八日得仲午書招隱筱珊函云南陵劉聚卿拓皖中石刻全分黃履金陵雜詠已燬於兵燹

十二日至廠肆聽紅錄粉牆高揭泥金帖南四過半而蘇府竟無一人掃興而返候至夜十一下鐘已歸寢矣喜報突至康吉中第三名為之躊躇滿志自喜所見不謬念及亡兒早逝不及隨先生之後則又與室人相對歎戲

十三日訪古齋來得唐香積寺主淨業法師靈塔銘一通又從

宜古齋得相里金碑一通

廿一日為肖韻跋梁師陳墓志又作七絕二首題舊拓碑塔銘殘字此本殘拓三種一為翁叔均舊藏僅三十二字其二皆補羅迦室本一尚存全銘之半一七十餘字趙次閑繪松谷流泉小幀並題七絕一首後歸沈韵初孝廉屬秀水陶錐庵畫山間論碑兩圖並裝於卷首今肖韵以歸相緣因相緣酷嗜此碑也

廿三日燈下為相緣擬觀風題藏書論碑絕句各三十二首懷之六七年末由一試借杯酒以澆壘塊亦可哀矣

廿四日送相緣登車惘惘而別

廿五日得閭枝函筱珊寄贈新出虞太熙墓志宋元豐八年王存文鄧溫伯書又李含光碑四分潤州中和錢銘二分閭枝

新得古樹題名拓本字丰模糊可辨者曰淳祐九年重陽後
九日偕敬翁竹橋誌又曰南充張邦甯又有蒙古字一段來
詢有無著錄不能對也撰子培太夫人輓聯恤緯見魯縻攬
轡澄清有子同懷微管略傳經欽章母披帷涕泗孤兒早廢
匪莪詩

廿七日東菴珊借皇甫司勳集

三十日補撰儒林紀大奎傳一首東海相國之意也大奎從邵
子先天入手繼聞明良知亦不攻朱學又旁涉二氏術數疑
龍撼龍諸說其學頗不純東海師初以屬筱珊不允致齟齬
余不能卻即此媿吾友矣

十月

初五日寫安徽四山石刻目錄畢貴池縣齊山六十一通桐城

浮山二十通潛山石牛洞五十八通盱眙第一山廿七通
初六日新得天寶九載石彌勒像贊後有五品孫孟令瓌題字
可與梁師陳志証明續作一跋寄小韵

初七日撰劉佛青尊人墓誌銘一首

初八日矮估來得爛帖一包皆蘇米趙董各家又取舊藏數種
裝叢帖四冊此亦化朽腐為神奇之法也

十三日夜校道德經以延祐丙辰趙承旨寫本與王弼本對勘
異同頗多與河上公注亦不盡合

十四日文古齋帖估來得元南海廟代祀記一通破爛明人帖
可儲作百衲本者三通此後得此種叢殘故紙統謂之百衲
料

十五日取伯齊來久談出示所作雲間邦彥畫象移藏省館詩

像為乾隆間徐璋所繪皆明賢改七薈有臨本粵匪之難改
本燬於兵燹徐本尚存郡中韓氏今松人士據以刻石即學
宮建邦彥閣貯之今送省館者石本也夜作楹帖賀蘭墅子
登賢書校義知傳文選學鳴臚聽唱謫仙才

十六日校老子趙寫本畢續校右軍本前有宣和印後有貞觀
褚遂良跋前人謂亦松雪書余謂明人善書者依託并非趙
書也

二十日宜古帖來得百衲料十三通宋周子拙賦一通

廿一日旭莊同年自閩嶠寄到鼓山石刻兩大束如牛腰夏間
旭公出京時曾以此事相屬不意其神且速如是良友感情
可銘肝鬲

廿四日蔚庭前輩來談云廣雅經費充足因竿牘多轉為怨府

故屢屢議裁也又云新得陽山聖傳頌紹熙元年張本中書字畫遒勁可以持贈

廿九日寫活溪石刻目錄畢宜古齋來得百衲料十餘通

十一月

初一日程心一來執贄即假榻敝廬

初二日漢子贈紹興先哲遺書一部石印守山閣叢書一部別下齋叢書涉聞梓舊各一部

初三日蔚庭贈聖傳頌拓本摩屋巨幅遠在南荒寶之當在九曜七星以上又十七史高樞一部廣雅刻

初五日得筱珊一函新得龍門古學掌教其所藏石刻重分二千三百餘種寄蔚若覓售經幢墓志造象磚瓦則皆售與徐聚卿寓淡山朝陽諸巖目錄畢澹山僅三十餘種較孫趙兩

錄所闕尚五六十種不知當時甄蠟何以草草若此未識學
笑能為補此缺憾否

初六日東松珊借黼庵集六冊崑山柴奇著並以家刻唐卷子
本翰林學士集見貽

初七日訪蔚庭前輩出示八瓊室碑目澹山有九十餘種則當
時蒐拓並無遺漏余所得者非足本耳

初八日寫福建鼓山石刻目錄共九十一通強半皆擘窠大書
有徑方二丈者懸厓架木始可椎拓旭莊此舉真非常之賜
矣

初九日本齋來夜談云香生遺書屢經抽換今出售一月精騎
空羣矣

十四日矮估來得紹聖靈裕法師傳一通

廿一日理江甯茅山鍾山牛首山三宿巖各種石刻鍾山有陸放翁題名前人所未見也

廿六日到館子丹贈廣雅刻大金集禮四冊松珊贈自著明詩紀事四冊前二十卷洪武一朝蒐采精博必傳之作也

十二月

初一日校石刻道德經世所傳籠鵠本實則松雪翁書也

初二日訪古齋來得趙城女媧廟碑開寶六年所建

初五日文古齋帖估來得嵩山敬愛寺法玩禪師塔銘淨藏禪師塔銘同光禪師塔銘高岑所書陀羅尼經於是中嶽唐碑所缺者惟元珪景賢兩石矣景賢曾見舊拓本元珪則鈇齋有之

初六日訪廉生渠收山左先正遺書輯海岱人文集又取蘇黃

未蔡石刻分類裝池與鄙人同一遺愁之法以新出鄆君碑見贈其名已泐丈中有從兄先諱鄭義之族孫也見魏書義傳

初七日鈍齋來云在南中見此懷新得藏麓寺碑北宋拓轉較新拓本為剝泐觀此知新拓屢開不一開矣又舊拓龍藏寺碑亦精緻兼今劉熊碑殘拓三種合裝一冊皆韻初物小韻不能守可數也矮估來得北齊華嚴經殘刻一大幅據云自山石遼州來稽之舊志當是屋隸磴刻經鄉甯楊氏所欲見而未得者也

初八日訪鈍齋久談出新得藏麓寺碑已無黃仙鶴字雖不逮此懷本尚是明時所拓較今本多數十字述此懷所得尚有張遷碑張猛龍碑李含光碑皆舊拓至精又在李少梅處見

宋刻石本劉球隸韵亦海內孤本也

十一日得嵩珊書借得隱湖唱和詩僅有上中兩冊缺下卷簡端有不寐耿庵印吾郡金孝章先生遺書也子晉同時詩人如黃子羽孫雪屋諸人詩頗不少并有名姓聞如者可珍也十三日館中所有 聖訓書籍及志傳正副本皆尊藏大庫余自承乏此席從未到今日啟鑄往視向西約二十餘楹高大寬敞書架羅列但籤帙寥寥散失過半極北數楹封識嚴密自外望之爛紙高積屋梁皆歷年案牘也據供事云相傳內有蠅子精無敢啟視者一老吏在館四十餘年從未見一發局也

十五日澄雲髻估來以龍門石刻全分見示即曩年翻華閣所拓存者往返詣直定廿二金舊藏善業塋殘造象一龕適有

售主作價十金再以十二金益之可謂結習不移矣猶憶此
刻初到時與亡兒在邑館盍簪軒中燈下釋文輒至漏下今
物猶是而逝者已矣能無長慟

十六日吳梅溪太史懷清有醴泉舊拓蔚若欲問津作函往詢
已易米矣

十七日閨枝來談云任邱新出漢任隗闕吳綱齋有拓本

廿一日古文碑估來得貞觀六年寶山大法師行記

廿三日東蔚庭前輩詢嚴輯全上古三代漢魏六朝文書價

廿四日蔚庭函來告嚴書白紙價十四金黃扣紙十兩與廠肆
天淵矣

廿八日歲暮索逋者趾錯于門往歲百金可了今年廠肆漏卮
較甚溢于舊額

戊戌正月

元旦日食有 詔免朝賀蓬大夫行年五十而知四十九年之
非歲月不居忽焉已至數臣精之銷亡痛子嗣之零落異鄉
伏臘形影相弔由今以往當自署為惇居士

初七日閏卽鈔有 詔開經濟特科十年一舉或二十年一舉
常科與春秋闈同試分目六條一曰內政二曰外交三曰理
財四曰經武五曰格致六曰攷工

初十日理龍門石刻畢與富華閱舊拓不同與孫趙所著錄亦
互有多少

十三日午後獨游廐肆往年每逢開廟日挈羹兒往瀏覽門攤
市肆輒有所獲今則興致索然昨為經士悠患偶一涉足得
吳中唱和詩一部咸通辛卯唐安精舍尼澄素墳幢一通又

從文友堂取新刻鐵橋漫稿一部影宋管子一部聊以解嘲
而已又見彭芝庭集明刻震澤長語震澤紀聞續紀聞諧價
未成績紀聞為王文恪後人所撰流傳甚少明日當再物色
之

十四日飭僕至廠肆問文恪兩種已有所歸矣交臂失此佳籍
為之惘惘者累日得仲午函祝年一子自蘇赴杭小輪炸裂
屍身杳然其師朱鼎甫孝廉同及於難慘矣

十七日我山來未值以顧大文嘯軒詩顧莒思亭文集見貽莒
乾隆中召試舉人司鐸鎮江終於常州府學教授我山之外
祖也吾郡無知其入者矣

廿四日澄雲閣碑估來得仰天山宋金元石刻三十餘種晉永
和乙卯明威將軍侯君碑

廿七日赴省館應蔚廷前輩之約同端午橋午橋在定州得唐井閤八面有字圖徑丈許輦我到京道路駭告真可為好事矣

廿九日得仲午書憲齋新得上海龍門山長優估來得趙承旨所書涇縣尹蘇公政績記宋邢守元書中天崇聖帝廟碑皆裱本直三金

二月

初一日訪木齋久談云此懷新得蜀大字本史記價二百番初二日得百衲料兩通篝燈檢理共成辛壬癸上下六冊合前所裝池共二十冊兩函為奇觚廬百衲帖第一集

初五日至蔚庭前輩處久談論及筑風黎邱之技相與戲額得陳松珊書借五嶽山人集並以湖山靈秀集相假席玕貢湖

輯皆東西兩山人詩話始於唐魏信陵明蔡羽詩有一百餘首不啻得其全集矣

初十日廖座主入樞府李純老之言驗矣

十二日得鈍齋書並示焦山石刻目擇可采者錄後

張即之金剛經 一元一角二分

吳琬心經 二角八分

陀羅尼經幢 二角八分

唐李墓志 一角四分二分

唐石佛座 一角四分

十四日矮估來得石刻十餘通內天禧魏昭素經幢為舊藏所無天授二年大雲寺碑至精

十八日袁觀瀾來見鮑蓮懷堂集一部其伯祖穀廉先生所著

也王兩時來述建霞臨行與煥彬交關幾成笑柄秦介侯來言南匯書院掌教乏人邑令延夏冰夫中翰諸生不服欲俟學使案臨遞呈指名延部人承乏愧不敢當屬其婉辭

廿一日蔚若來諱極久云在城中一舊宅見王文恪五同會園有匏庵序傳玉露沈文愍諸公跋索實價七十金

廿三日程有三孝廉心一之堂叔自蘇來持季雲同年函並介心一求見願執贄假館充之

廿五日沈信卿來餽周孝侯廟碑一通寶山邵曾鑑艾廬集一部

廿六日至廬肆流覽在隸古齋見舊拓石鼓文張叔未題籤又見智城山碑有陳恭甫梁蔭林二跋陳跋即刻入左海文集者也此碑在粵西絕微巍然完好張幼丹司馬曾拓以見貽

碑他不知居為奇貨又古齋陳估來持示靈石照壁灘王宰
蕭洪兩碑此則潘文勤求之數十年而未得者真至寶也碑
估亦不知僕索價四金即如數與之入此歲來第一快事又
痛吾兒之不及見也辛揆來未值贈滴祐七年江陰軍牒壽
聖院泛海靈感觀音記壽聖院莊田記諸拓本

廿八日得允之滬電廿九日上新裕輪船並挈一姬北來有媽
之後蘭陵所產寫伊闕石刻目錄畢共九百二十七種

三月

初一日劉佛青農部到京來談贈所著蒙言一冊抑商一篇能
探其本非湯鄭二公所能知也

初二日胡肇嘉貽漸學廬叢書五種皆輿地之學

初三日薇孫同年約江亭修禊聞此次御史改章不考徑行引

見亦為陳伯高也又聞會典館刻章掌院盛怒痛刪此腐鼠之糞也何足嚇我

初五日允之偕獻之同來昨日客館下車今日襦被到腐鳩汭寄跡河陽以雨時所貽洛溪題名校前得各刻寫定一目共增廿二通視八瓊室目猶未全也亦有在平原之外者

初六日偕允之同詣河陽新姬出覲從田閒來猶操土音眉目之間一望而知為蘭陵產略告以安分事上勤儉無違之道十七日得翼甫書悼亡之後一子繼殤新婚尚未彌月視鄙人更酷矣又得純敏書還元史墨子兩種贈其先人存齋觀察墓志曲園師撰文相緣書丹與西蠡異曲同工午後允之來同訪彭翊仲營別墅側室兩楹在小樓之下南向有額曰巢林一枝真焦鵲所寄矣

十八日貴池劉聚卿餽所刻聚學廬叢書權盒叢刻內金石契
抽出別行又牛空山金石圖一部又附到筱珊玉太平府大
碑二十通

十九日陶小沚贈其先人子春先生所著租穀一冊陶氏五宴
詩一冊吳江陳子松易說二本

二十日鷺莊贈邵青門集一部荆南萃古錄一部周子瑜觀察
所輯皆金器陶器無石刻

廿一日慈仁寺願亭林先生祠自巢隱丈作古祀事闕如者數
載今康民同年議移附十里莊范文正祠舊有先生遺象卷
子同人祭畢即題名其後康民屬為文記事今日始脫稿直
敘本末不能工也

廿二日會典保案今日上聞自提調總纂以下各得獎敘有差

昌熾奉 旨以應升之缺開列在前並 賞加侍講銜

廿五日至別墅樓下雨廂翊仲留為起居之地以東房兩椽見讓已煥然一新矣康吉先在偕允之布置可感也

廿六日偽游雲夢暗度陳倉至別墅行納蓮禮不意垂老桑榆猶留此一重公案允之為撮合山翊仲為遁逃藪左之石之者康吉經士也園中携有學梅村兩集牧齋老荒祭酒晚而得子也

閏月

初二日約醫莊久談陳姬其鄉人也相處六日性頗婉順亦工操作惟不知其來歷屬歸里密訪

初五日襄陽錢仲宣來未值留贈唐長慶二年卜筮墓志盧子政撰文大和九年楊孝直墓誌潘聿撰文又大業錢鏐題字

紹興庚午鍾銘

十九日建霞來並呈所刻拙著藏書紀事詩尚精好渠作一序其門人湘潭劉茂才肇隅任校勘附一跋於後

廿五日耄估來以宋石輅墓志求售元祐八年晁說之書久不與交易如其值與之

廿六日武進沈友卿吉士來拜並贈其所著萬物炊累室文集廿七日鳳石前輩來談以其封翁九芝先生遺集見賜前有鄙人序深悔少作不料其遽以付梓也

廿八日東高葵北送文卿前輩墓志兩分二摺三片備撰傳之用昨蔡鶴頤來未見欲觀萬隱遺集即作函請其編校鶴頤萬隱門人也山左趙估來得唐開元經幢一通宋真宗先天太后碑一通宋劉賡蘇季思墓志各一通

四月

初八日得沈小韵書贈照印定武本禊帖龔定庵舊藏有淵蘋跋小韵尊人錄阮文達兩跋皆極推重之禊帖前賢論者如牛毛未敢贊一詞但覺照本精妙金碧之光煜然紙上耳十三日恭邸初十日薨逝 懿旨賜謚曰忠入祀賢良詞並配享 太廟制詞有云王之功德薄海咸知王之惻誠 祖宗昭監卓哉煌煌非王無以當之

二十日黃本甫來談再同遺書以二千八百金歸之廠肆有子能讀尚不能守吾輩可以勘破夢幻矣致閨枝書筱珊拓寄皖中石刻二齋皆以值昂割愛此外更何有同好者惟有返璧而已

廿四日得筱珊緘筱珊游西湖訪碑以鄙人有截斷眾流之說

諷其畔道歐陽子云好之而無其力負此良友深用愧慙聞
卽鈔嚴旨變法有云老成憂國以舊章必應墨守以新法必
當擯除眾喙曉曉空言無補又有 旨着各督撫保舉使才
番番黃髮膠柱鼓瑟至今日而貽人以柄熙豐新法將與東
林鈞黨同時並見悠悠蒼天杞憂何已

廿五日閱卽鈔徐子靜年丈奏保人才工部主事康有為兵部
主事張元濟廿八日預備 召見湖南長寶道黃遵憲江蘇
候補府譚嗣同送部行見梁卓如交總署查看夫子栖栖皇
皇入周廟觀金人而未嘗得見天子後聖之遭際何其隆也
廿八日晨閱卽鈔虞山師奉 旨放歸朝局岌岌不可終日如
蜩如蟬如沸如羹今其時矣東蔚若得復云近日號令但恨
兩耳不聾鄙人亦求璜甚切也

廿九日謁虞山師未值佩鶴來云虞山之去本訥令兄實攝之
或云與邵亭師同一案

五月

初二日何估來持示再同遺書目吳人撰述有姚現聞秋旻沆
澍兩集葉星期已畦集武山吳氏七十二峰足徵集論值十
二金尚有陳文道四書索八金不能得也

初五日邵亭師壽叙脫囊已構思數日矣獮祭而成不能工也
初六日壽文改正數處篇中追述前塵慨歎時事在此體為變
徵之音有 詔科舉流弊已極廢時文改策論

初七日至建霞處以壽文屬其染翰建霞贈金石書三種醴泉
一冊係縣志中抽出殘本後附太名府金石志僅十餘葉金
華府一冊僅十葉其郡人王家齊編次同治癸亥刊於嶺南

向來所未見也

十三日沈綬若孝廉為其父寬夫求撰墓銘數月未有以應也
今日撥冗了此心願沈君勇於為善亦留心鄉里文獻非諛
恭之文也

廿二日友人先生作古午後往唁

廿八日聞卹鈔御史攀桂呈遞封奏其名攀字寫作學有 旨
詢係何字著明白回奏此與伏獵全銀何異

六月

初二日昨有 旨允孫燮臣師之請求校邠師抗議豈知尚有
一老弟子陸沈金馬門乎介之推不言祿祿亦弗及無怪康
門之標榜也見禮部所議改試策論章程束縛馳驟甚于舊
制無怪康門之反唇也

初三日至會典館知采臣派儀器樓提調大學堂派出提調十人翰林院居其六又得教習者八人雖不盡公道尚可為詞館吐氣但恐康謀有後言耳

初十日至少醫處今日適授蘇州道缺府毛生奉檄喜可知也子公食指能無動乎

十三日得崑中堂師書少醫所遺總纂一缺欲以許穎初前輩充補纂修中功課有逾千問者頤公從不到館適欲越次請補如子丹何如眾議何館差非錯謬不可得惟史館尚存公道若再開此幸門則此後尚復有人當差乎

十四日復崑中堂師直甚之夜讀張孝達丈勸學篇極簡明極平正拯亂之良藥也校邨虛杭議發各衙門加簽翰林院分四十本坊缺講官之外清秘堂秘為已有迺至趙商張逸不

得與聞康成之說豈非咄咄怪事

十五日到館陳設畫一傳正本請總裁恭閱子丹子實乾一皆
先在正副總裁相繼至總校良心源副憲亦至副總裁徐東
甫前輩起送之欲並坐子丹遠命撤其坐至下茶房不敢應
復厲聲叱之始移坐此老強項可愛許穎初前輩檢案竟無
功課一字鄙意欲開附纂修諸公之後俾其相形自絀子丹
亦執不可請以陳嵩珊充補

十六日有 旨翰詹科道值日講讀編檢八員中贊二員科道
四員隨班同遞膳牌豫備召見聞亦對山之策也鄙人自通
籍以來未得外差京察亦未記名 九重高遠未能自達此
次庶得一瞻 天顏乎

二十日山左趙估來得李北海葉有道碑一通雖明人重開本

開架謹嚴勝於法華東林詣刻又吳順義四年李濤汪夫人墓志一通慈雲禪院普會塔題字一通魏唐造象各一通

七月

初一日柯庭太夫人午刻棄世即往唁之歸撰輓對一聯云皋廡停踪鄰巷春聲應不相廬陵東訓瀧岡旣表待重開

初二日經士來久談以農桑條奏屬為潤色鄙人未嘗有章奏經士亦可已而不已者也余嘗謂京官風氣皆為閤部捐班所壞非石季倫不能為賢即扶錢神之力銳筆公之頭何事不可為乎使盡如我輩隨流平進雖謂朝無倖門可也

初三日鈇齋贈顧詒祿吹萬閣詩詞二冊余有其文集可為延津之劍

初五日關中亨背董老朱所携拓本頗有余所未著錄者收到

三十四通直四金

初八日董估來得宋金碑三通唐大中二年經幢一通歸途在門攤得明萬曆中鄒縣孟廟碑一通集右軍書可入百衲帖十二日至別墅適張甫在允之座談極久瓶師之歸木訥令兄有力焉

十五日讀郎鈔大裁京外充贖內而詹事府通政使大理寺光祿寺太僕寺鴻臚寺外而廣東湖北雲南三省巡撫即日裁撤巡撫事歸同城之總督兼管河東河道總督裁併河南巡撫兼管糧道之不辦運務者鹽道之無鹽場僅管疏銷者均一并裁撤同通佐貳着各督撫酌裁允之函來勸不必以一官為聽別謀生計然寸鐵不持安能白戰家無長物惟破書爛帖耳平生所收皆在牝牡驪黃之外故聚之則成郭公一

小國棄之則皆瓦礫也傾筐倒篋至多不踰二千未可為孤注也萬一失算將如之何

十六日廠肆碑估魚貫而來得淨業法師靈塔銘終南山蘇子瞻章子厚題名清源公碑陰宋人題名紹興九年拱極樓記及百衲料七通內前後出師表兩紙明人書筆勢雄偉魯公廣平家廟諸碑不能過也

十七日閱肆無所得惟在訪古齋携歸覃谿重預恩榮宴紀恩詩四首石刻本亦可入叢帖也

十九日邸鈔來讀 上諭朕屢次降旨部院司員及士民有上書言事者均不得稍有阻格乃禮部尚書懷塔布等竟敢首先抗違將該部主事王照條陳一再駁斥經該主事面斥其顯違詔旨始勉強代奏豈以朕諭為不足遵耶若不予以嚴

懲無以警戒將來禮部尚書懷塔布許應駸左侍郎堃岫署
左侍郎徐會澄右侍郎溥頤署右侍郎曾廣漢均着即行革
職該主事王照不畏彊禦勇猛可嘉着賞給三品頂戴以四
五品京堂候補祇誦之餘相顧錯愕蓋自通籍以來未見此
不測之賞罰也

二十日閏邸鈔裕祿李端榮署禮尚王錫蕃壽耆攝左侍郎薩
廉徐致靖權右楊銳劉光第譚嗣同林旭在軍機章京上行
走參預新政事宜

廿五日三老董公來得魏卜文墓志唐薛嵩碑真空造浮圖銘
董香光金剛經及覃溪石刻三種又一唐碑述中宗復辟事
有融融曳曳母子如初等語又錫口之始厥氏斯同爰逮聖
明再徵其號年月姓名俱泐徧攷不知為何碑也

廿六日鳳石來談今日有封事請設廣史館修五大洲通鑑通志輿地圖說之書以詞員任編纂之役又兩片請設翰林院掌院學士專缺從二品副掌院正三品仿唐制設左右拾遺秩六品改司業為五品以大學士總理院事又請復光祿寺衙門請飭各省毋擾累寺觀其言未必副 聖意然已成事不諫矣

廿七日得及金東建霞 賞四品京堂並聞在總理衙門行走校邠師身後受特達之知建霞又搏擢欲上若僕之碌碌無能將填溝壑真所謂蜂腰矣可愧可愧連日新政 諭旨及各衙門條奏果牘難罄惟瑞景蘇學士請南漕改折裁併衛弁屯田由地方官徵糧優貢沈兆禔呈請推廣郵政裁撤驛站皆為至當不易之論

三十日董估來得舊拓不空和尚碑兜沙經各一通又覃谿詩刻一通

八月

初四日得方都轉書秋季脩脯各書院已改為學堂學海若幸為漏網之魚天之所以不絕我也

初五日幼筭來言通政使署改為醫學堂渠新派醫學堂提調又聞鳳石請開廣史館之疏交壽州議可望准行黃慎之請立集賢院凡中外保舉人才先令入院攷言試事再加錄用亦由壽州議准將入告矣

初六日午後史館堂期供事從內閣鈔示本日 諭旨朕勤勞宵旰日綜萬幾兢業之餘時虞叢脞恭溯同治年間 皇太后兩次垂簾聽政盡善盡美因念 宗社為重額懇 慈

恩訓政仰蒙俯如所請此乃天下臣民之福又上諭御史宋伯魯濫保匪人平素聲名惡劣着即行革職永不叙用又聞張樵野查抄康聖人拿問此局全翻矣日昨致允之一函告以得馬失馬未知禍福之所歸不料此言之遽驗也

初七日聞昨日拏問康水部已逮職矣崇大金吾親至南海館抄出書函百餘封門簿一本獲其弟及記室一人僮僕三人張樵野侍郎查抄謫傳惟恐康匿其邸錫蠟胡同東西兩頭邏卒絡繹因而誤為勘產也日內李尚書埽興矣徐年丈更卧不安席矣

初九日午後到館知樞臣甫退值張樵野侍郎並新政四章京楊銳劉光第林旭譚嗣同皆拿問又聞聖人已由重慶輪船泛海北洋派兵輪往追又聞首發難者仍係敝同鄉楊侍御

也此君沈深陰鷲聖門諸賢嚶嚶然志大而才疏本非其敵
初十日晨起即聞徐年丈被逮並逮楊侍御深秀亦已丑同年
也午後赴省館應紺宇之招見鳳石範卿淮海昆仲蔚若各
証所聞知革伯發難無疑義並聞先商之王廖兩樞臣皆不
敢發復赴津與榮中堂定策其指由慶邸逸入係請 皇太
后訓政並劾新進諸君植黨營私莠言亂政也譬如利刃戛
之首櫻其鋒道希血濡縷立斃今則一揮而頭畢白矣

十一日訪魏梅生庶常久談知有 旨榮中堂即刻來京陛見
直隸總督北洋大臣着袁世凱護理又至佩鶴處略談聞西
市刑人大街觀者如堵牆詢之知處決內監四人為新政諸
公控一把汗也歸以近事告栩緣為方朔慶詞體訪古齋帖
估來得趙文敏道德經一部閱即抄詹事府通政司大理寺

光祿寺太僕寺鴻臚寺等衙門照常辦事毋庸裁併其各省應行裁併局所冗員仍着各督撫認真裁汰士民及不應奏事人員概不准擅遞封章以符定制時務局報着即行裁撤大學堂為培植人才之地除京師及各省會業已次第興辦外其各府州縣議設之小學堂着該地方官查酌情形聽民自便此外業經議行及見在交議各事有關開計民生者亟當切實次第舉行其無益時政而有礙治體者均着毋庸置議又 上諭康有為結黨營私情罪重大業經將附和該犯之徐致靖等交部嚴訊此外難保官紳中無被其誘惑之人朝廷政存寬大概不深究株連此 旨一宣人情當可稍定詳誌於此見中國之有新舊黨禍自此始也又聞英使曾乃樂德使海靖至總理衙門詰問 皇太后訓政之意若外人

因此干預宗社安危在於呼吸雖寸磔而黨之內庸足蔽辜乎

十二日根生來久談知拿問諸公今日軍機刑部都察院會訊十三日午後至別墅歸經菜市見人頭擁擠知為行刑急詢之則云決官犯六人並有徐年丈在驚慘幾欲放聲急從鐵門繞道至淮海寓佩鶴已出見揆初始知六人者新政四章京及楊侍御康廣仁也為徐年丈章又為叔喬大慟以叔喬之學行而竟罹大辟即此數人者雖良莠不一要之皆中國之隗才也天乎一至此乎外國新舊相爭無不流血者中國流血自此始也吾儕無死所矣東袁爽秋方伯贈以拙索一部浯溪石刻一分又送去高隱碑跋一卷屬其付梓

十四日幼弼晨來坐未定即言叔喬相與揮涕又言劉光第亦

愿者林旭少年浮躁譚嗣同則凶忍狡悍死當其事蕭燕同
焚可為浩歎旁晚聞南苑兵拔隊進城旌旗絡繹急函詢鳳
石佩鵠皆不能知其詳聞卹鈔張蔭桓居心狡詐行蹤詭秘
趨炎附勢反復無常着發往新疆交該巡撫嚴加管束徐致
靖着刑部永遠監禁徐仁鑄着革職永不叙用又 諭云主
事康有為包藏禍心潛圖不軌前日竟有糾約亂黨謀圖
頤和園劫制 皇太后及朕躬之事幸經覺察立破奸謀其
悖逆情形實堪髮指前因其素講時務令在總理衙門章京
上行走旋令赴上海辦理官報局迺竟違違輦下構煽陰謀
實為叛逆之首現已在逃着各直省督撫一體嚴密查拿極
刑懲治舉人梁啟超與康有為狼狽為奸文字狂謬着一併
嚴拿懲辦康有為之弟康廣仁及御史楊深秀軍機章京譚

嗣同林旭楊銳劉光第等實係與康有為結黨隱圖煽惑楊
銳等每於召見時欺蒙狂悖妄保匪人實屬同惡相濟罪大
惡極前經將各該犯拿交刑部旋有人奏若指時日恐有中
變朕思該犯等情節較重倘語多牽涉恐致株累是以未候
復奏昨日諭令將該犯等即行正法至被其誘惑甘心附從
者黨類尚繁朝廷亦皆查悉朕心存寬大業經明降諭旨概
不深究株連將此通諭知之欽此此旨一頒反側之心當
大定惟叔喬名登叛黨慘罹大辟覆盆入地湔洗無由可謂
千古奇冤鄙人平心論之以叔喬之學行叛逆之謀可信其
必不與聞惟與譚林輩同入樞廷心腹好爵不能先自引去
比之匪人自貽伊戚可為熱中者炯鑑康長素所著新學偽
經攷鄙人一見即洞燭其奸蔚若之使學也鄙人臨別贈言

告以此才必不可入穀府若早從吾言則或不致釀此禍也
其通籍後在京廣通聲氣名士趨之如鶩僕非但無一字往
來并未嘗識其面目其在粵東館約茶會也仲駿木齋皆左
右之折柬來召僕毅然書不到二字又研笑及姚子良廣聚
徒黨時時會集余致書丁叔雅力阻之由今思之不可謂不
知幾也

十七日為亡兒除座與內子相對慟哭叔魁雖罹極刑血膚尚在正言之可幹父之蠹即彼黨言之亦可云復父之仇鄙人之較勝叔魁者得保首領耳其餘殆不如也得陸孟符書龍門造象十九種皆散藏所缺者可感也吳總丞簡湖南學政侍郎出典湘學近所僅見或云有查辦事件未知確否更秋賞三品京堂在總理衙門行走

十八日聞十五日永定門天橋一帶有毆辱洋人之事各國將遣兵入都護衛使館

十九日昨柯庭函來屬撰其父母合葬墓志並餽其曾祖曜庭先生孤鴻編一冊松陵詩徵前集四冊其祖譜經先生齋莊中正室全集兩函閩邸鈔禮部尚書李端棻奏濫保匪人自請議處實屬有意取巧未便稍從末減李端棻著即革職發往新疆嚴加管束又都察院奏四品京堂王照查無下落着革職查拿並查抄甯河縣原籍家產

二十日鳳石新生子周晔往賀同鄉皆集聞有密諭查辦一單二三十人惟知刑部洪汝冲工部李岳瑞及建霞在其列餘不知也又聞譯署需才詔徵吳懷士邵小村兩公中朝之乏才亦可見矣

廿一日閏卽鈔湖南巡撫陳寶箴封疆大員濫保匪人着革職永不叙用伊子陳三立引進奸邪着一併革職四品京堂江棟庶吉士熊希齡庇護奸黨暗通消息均着革職永不叙用交地方官嚴加管束靈鷲目動而言肆趾高而氣揚早知其有今日但聚什伯飛揚倣詭之士沈頓在下衮衮諸公恐亦未能高枕而卧也

廿三日閏卽鈔張伯熙保康有為使才實屬荒謬着交部嚴加議處少詹事王錫蕃工部員外郎李岳瑞刑部主事張元濟均着革職永不叙用

廿五日康吉漢于至長春寺指搗發引展刻送妻女登車內人自抱亡兒木主相對痛哭已刻至馬家溝火車展輪申初至紫竹林老龍頭停車極久戌刻始抵塘沽籠燈上岸住恒升

機亡免雷極登火車時卸槓不慎磕破子孫釘憶先慈寔空
時亦有此失若教門祚宜有此不祥之兆途中聞郵報知禁
報館復時文痛先人之不祀懼浩劫之將臨捐膺擗據郵館
不能成寐

廿七日海晏船抵埠夜蟹蟲如恒河沙數皆小如針孔被褥幾
如蠶箔塘沽旅館皆新構之屋未及三月不知何以蔓延至
此也屢卧屢起來燭達旦

廿八日已刻送妻女登輪僱一小舟盪槳而往尚須千二百文
靈柩行李由棧夥包辦亦無一不索重資行路之艱真無如
何也卸裝安置既妥即上岸移被至玉豐飯店該舖津人所
設床廁庖湔皆仿歐洲夜設大餐精潔周備飽餐之後穩入
睡鄉殆忘行旅之苦即此一端中西霄壤之判已不待言矣

廿九日卯刻登火車申刻抵馬家浦即僱車進城宿別墅

九月

初一日挈陳姬進城一箱一筐一鋪蓋可謂家具少於車矣姬出自小家未拓眼界入門瞻眺大有沈沈夥頤之象

初三日得卽亭師書為靈鷲惻惻而不知其已揭晚矣又見示六十述懷七律四首又勗兒姪補博士弟子員兩律前寄壽丈以徐庾孫洪為況此固不敢當惟云文境超邁能於意言之表獎借而拔飾之不可謂非知言也李木齋同年署日本使臣間有詔即真前公使黃公度同年先有密諭交兩江督臣看管繼因日本伊藤侯為之緩頰英人又遣兵保護遂得旨放歸國家駐陟之權外人得而操之真不圖矣不暇為公度幸也

初四日聞彥和訃駿絕即駕車往視執郭蔚若先後來同作函告桂園製備飾終之具並籌歸櫬及身後各事

初五日聞 聖躬病頗重各衙門有交片並示脈案方劑

初七日子靜自津來云康梁變法意在聯英日以自固此次皇太后訓政俄國實為之主謀故倉猝變發而英日未敢出而干預此則京師所未聞也

重陽日午後至史館逾未刻子丹始到晚赴福興居應子靜之約同鄉皆集蔚若云方柳橋藏書捆載至京出售黃慎之前輩為之提調又聞子丹云 皇上所幸珍嬪 皇太后禁之高牆穴一竅以通飲食 皇后係 皇太后之姪女不能有逮下之德 皇太后 左右之以是母子夫婦之間積不相能然則康梁之案新舊相爭旗漢相爭英俄相爭實則母子

相爭追溯履霜之漸則又出於嫡庶相爭亂匪降自天生自婦人豈不信哉

十四日本齋授日本使臣尚未通問即作一書寄賀並徵醫心方多賀城足跡碑

十五日五十賤誕雙親見背琴六忽諸愆寢餘生崦嵫待盡可為痛哭親舊不諒猶有登堂稱祝者昨夜已預屬閤人拒客訪蔡鶴頤已出都矣

十六日前月致爽秋書杳然不得其復以為貴職分殊從此絕交迺今日忽以函來並饋所著浙西村人全集

十七日檢理筱珊所寄石刻虞山興福寺經幢較前所得多建炎三年題字一紙云當寺山門前經幢大中年建造非此不知建幢歲月可寶也南翔寺幢舊僅得乾符二年一刻今寄

參成通八年一刻乾符幢丙戌在滄募衡吟館碑估裏程往
拓年月尚存今據俾估云已斑駁無字僅拓兩面亦皆漫漶
相隔僅十三年古刻已有存亡之歎吾曹斤斤護惜未為過
也

廿三日子丹函來今日奉 命簡大同府提調派出陳嵩珊前
輩即復一緘賀之

廿六日同鄉鄭子厚別駕自鄂來持到相緣書貽文館詞林影
宋脈經湖北輿地記湖北輿地圖楊惺吾隋志攷証丁秉衡
晉書校文補晉書藝文志共七種

廿七日得松珊復書碧琳琅館明人集目一冊吾吳先哲遺書
除舊簾複重僅十餘部即召書估何厚甫來命之諧價

三十日夜理董筱珊所寄石拓畢共常熟十九通松江十通上

海一通青浦一通太倉十六通嘉定三十六通內集仙宮瑞竹記及趙文敏所書居竹記皆至精

十月

初三日撰殷小譜前輩夫婦合葬墓誌銘

初七日寫百衲帖目畢癸集末一通係順治戊戌孟冬赤壁無文碑今寫此目畢通為第四戌戌之孟冬亦一奇也

初十日今日為女兒子歸吉日鄙人即在蘇病足至此亦祇能坐鎮而已

十一日管成甫來云欲借數十金詢以何所用此鉅款則云購洋文書籍未敢信也笑而謝之

十二日彥和子函來告歸觀意欲求助即東桂園贈以緡敬千金又告以管世无事屬其詞探踪跡弱冠之歲正在成敗間

頭故人之子不能恕然也至琉璃廠官醫局就診便道過翰文齋携歸新刻新疆西藏卜魁城三賦以備纂說又原刻南宋雜事詩四本見方柳橋數十種皆非上駟索值駭聽明初刻存復齋集云三十金鈔本盤洲集云八千金雲間沈氏刻婦人集僅數十篇迺云六金似此詭詭拒人恐捆載而來者仍捆載而去也

十三日管成甫函來催餉何以迫切若此愈可疑矣作一函告小徐盡發其事余與孫養猶兄弟也其子猶吾姪也舍余又誰大聲疾呼以警之邪

十六日得此懷書贈過雲樓刻鬱軍越經一冊康吉以明夏肇庵墓志一通見詒迺蘇州青陽地開絲紗廠掘地得之夏諱士銘字德新肇庵其號二子一名經一名綸此誌即經所撰

友人張潮填諱今絲紗廠一名蘇經一名蘇綸適與二子名合豈非前定乎作百衲帖序一首

十九日得叔朋書並以海虞妖亂志一冊見贈吾家十如老人舊藏本有吳晚鉅識語奇書也

二十日翼仲自南歸携至唐仁齋書並拓本四十種發函披閱留十五通內唐鄭溫球墓志宋顧渚山汪藻題名王詵所書辨証大師塔銘元湖州府治記皆余所未藏者又一巨碣似神道碑天聖六年所立撰書人皆剝落碑錄無攷其餘皆百衲料亦頗有精者文徵仲小楷二種姚廣孝詩尤可寶因篝燈即作覆仁齋一函

廿一日仁齋所寄大碑屬康吉諱審之知為宋駙馬魏成信神道碑前人所未著錄

廿二日幼芻函來云西醫在館候診午後駕車往診云用藥極貴重告以當給價並盛稱其前治之速效欣然為諦視患處又為望色切脈然則中西人之志趣亦不甚相遠也惟云余右晴有一白團心經壞矣非極憂傷憔悴不至此聞其言不禁淚下聞卹鈔翁同龢投讀以來從未將經史大義凱切數陳但以怡情適性之書畫古玩等物不時陳說往往巧藉事端刺探朕意至甲午年中東之役主戰主和甚至議及遠避信口侈陳任意恣憑辦理諸務種種乖謬以致不可收拾今春力陳變法密保康有為謂其才勝伊百倍意在舉國以聽朕以時局艱難亟圖自強於變法一事不憚屈己以從適康有為乘變法之際陰行其悖逆之謀是翁同龢濫保匪人已屬罪無可逭其餘陳奏重大事件朕間有駁詰翁同龢執拂

不悅惘惘要挾無所不至詞色甚為狂悖其任性跋扈情形
事後追維深堪痛恨前令其開缺回籍實不足以蔽辜翁同
龢着即革職永不叙用交地方官嚴加管束不准滋生事端
以為大臣居心險詐者戒欽此又奉 上諭開缺巡撫吳大
澂居心狡詐言大而夸過事粉飾聲名惡劣著即革職永不
叙用欽此臣蘇人也讀竟不能不為短氣憲齋咎有自取嚴
譴已遲至瓶師醴酒之嫌不意決裂至此不如壽州之生亦
不若高陽之死也連日讀海虞妖亂志適聞此變奇哉奇哉
廿五日得趙書靈寶度人經黃山谷書五君詠翁蘇齋刻蘭亭
皆百衲料也

十一月

初二日徐年伯母病歿研美自長沙奔喪至京鼎門極盛一至

於斯日盈則晨月盈則食可畏也發憤錄經幢昨寓元象元
年張敬謹造象石柱今日錄會昌元年戒珠寺同光二年滙
泉寺兩幢畢又校正咸通二年寶雲寺幢

初三日夜校雲居寺諫公塔銘咸通二年太平寺經幢畢枕上
作七律二首

初四日足大愈盤旋斗室理百衲帖重裝續自甲至戊五集共
十冊作七律四首善戲謔今不為虐今亦無卿乎口孽矣

初五日作七律二首

初六日史館堂期車中作七律三首枕上一首

初七日城南拜客車中作七律一首枕上一首重錄包山顯慶
寺經幢畢

初八日訪袁爽秋京卿車中作七律二首枕上一首

初九日史館堂期供事王思壇持仲發書來查康熙實錄已

闕如矣以權詞答之車中作七律一首枕上一首

初十日至佩鶴齋久談車中作七律二首歸後篝燈作一首共

成甲午雜感二十四首不敢謂少陵詩史亦杜牧之罪言也

十一日作七律一首

十二日燈下錄傳鳳經燼畢

開成四年

十三日史館堂期車中作七律一首篝燈作一首共成甲午三

忠詩各一首胡估送吾鄉郭子忠詩二冊索實價一兩五錢

十四日枕上作七律一首

十五日史館堂期車上苦吟詩思甚澀歸後枕上細改始成七

律一首

十六日篝燈作七律一首枕上一首

十九日史館堂期車中作七律一首

二十日作七律兩首

廿一日訪顧芝久談其同居于益齋太史忽請見談次語侵常
熱聲色俱厲歸後約子靜至西四牌樓萬福樓小酌並約鳳
石前輩鳳石云益齋新得心疾始恍然於其言之不倫也

廿二日作七律二首

廿四日作七律二首

廿五日得允之緘知卽亭師聽事失火焚去藏書數十篋

廿六日至三勝館還松珊未刻同謁徐相師呈進書請獎奏稿
並請派覆校奏議人員此係循例事件滿總裁定日進書亦
不得不告漢總裁微察師意若有不豫色然頗疑為干謁人
言裏平至午後精神愴恍其言不誣也畫一傳保案亦一字

未敢提僕與嵩珊將終為怨府耳車中作七律三首

廿七日作七律一首

廿九日至館徐供事呈楊卓林請優保名條云崑中堂所交楊
畫一傳並未派校若以列剡牘幸門一開何人不可濫竽乎
前因違例送館子丹幾與麟文慎決裂亦此君也欲痛懲之
則投鼠忌器詞臣本稱清秩迺至奔走伺候受人牽掣垂暮
之年若教之鬼又何所圖而為此

三十日矮估來得晉天福三年刻經殘石宋孔君墓誌

十二月

初一日得範卿書贈三招圖考四冊松文清撰訪求此書為纂
西藏圖說緒聞一過漏略無可采為之喏然興盡

初二日謁崑中堂師辭未見命閹人傳語告以楊卓林畫一傳

未派覆校此次進書礙難列保又呈奏議官單大拂師意云
奏議覆校既經徐中堂派出十六員無庸與聞旋又云欲添
派一二人可否告以此事本總裁為政即添派三四人亦惟
中堂所命復派出蔚若及許穎初前輩此兩人開單本為崑
師而設此次藉以解圍

初三日宜古齋送新裝百衲帖一函共五集日內簿領倥傯案
頭故紙堆積久未摩挲矣

初六日澄雲髻估來得觀公庵主塔幢一通又散氏盤拓本索
十六金尚不昂余棄器拓本皆已易米舊者既割愛新者亦
在舍旃之列矣

初九日與黨珊同到館子實壽芝兩君來深以滿股人多為患
又雅不欲核減屬於裏平處緩頰姑應之日映偕松珊謁裏

平云前屆漢員自提調至校對列保十八人此次卷數較多
自可推廣而亦不能過於冒濫各人請獎官階如經吏部議
駁不准另請核獎告以師意既在核實不如先交吏部核定
其不合例者去之師深以為然

初十日僕估來得任城郡公札忽兒解基瑀一通後至元三年
三月

十二日午刻到館見嵩珊滿提調英靈二君旋來出示匿名揭
帖一紙云黏徐相師門牆大致謂提調葉辦事不公與供事
頭徐兩門得銀三萬實官加銜皆有價並云徐中堂難保不
分錢其詞似謠非謠述館中官吏姓氏故作歧誤必係向隅
缺望之人下此毒手英靈二君傳裏平師論明知漢提調決
無此事惟恐為供事愚弄且涉及總裁不得不交查云云當

即告以請中堂嚴查如有此事自當聽候參辦並請即行撤
差二君堅執不可云祇以徐兩門館中查無其人檢閱堂簿
列係之人亦無冤抑以此申覆歸後憤極即繕就呈帖一紙
請裏平密查並請撤差回避鄙人辦理此案意在綜核名實
任勞任怨屏絕請託雖崑中堂師所交名條亦均婉謝迺竟
遭此不白之誣真暗無天日矣噤齒穿齦夜睡耿耿達旦
十三日靈壽芝展來即以呈帖請其轉遞午後壽芝見裏平歸
復至敝廬述裏平師諭此事因涉及總裁不得不交查不必
辭差亦無庸迴避即偕嵩珊謁裏平師祇能引咎自責並言
請託之多辦理棘手察言觀色總疑御下稍寬供事舞弊以
至橫被人言貽別復云此次保案滿股一百十人漢股僅六
十餘人可質天地此後漢股開單如能與滿單分而為二庶

不為所牽率可知漢股之公事認真而為襄平所諒無端生此波折以致減色真可憤詫然英靈二君於此案極意周旋壽芝兩次惠臨推誠商榷尤可心感不能不為滿股稍稍剖辦嵩珊今日見襄平師並不相商貿然撤去多人語云物必自腐而後蟲生之信然此局之無可應接不待再計決也

十四日夜靈壽芝約往談為撤去之供事周鴻慈馬成麟尚顯廷王宗標四人緩頰云中堂既未下筆何以提調自撤余告以商之松珊

十五日午後到館見松珊知壽芝已往面商堅執不允余告以揭帖案幸滿股調停不至決裂此情似不可卻且此四人者本在應保之列借此收途亦一舉兩得不意數語之後立即翻面聲色俱厲不得不拂衣而出姑至會典館小憩仍請壽

芝往調停為首之徐陳兩供事亦請撤銷保案移獎四人始
默然無言

十九日會松珊於三勝館同謁徐相師云漢股兩單平心靜氣
毫無遺憾滿股尚有二十餘人不合例已發下再行更正並
交手諭二紙即同到館知徐總憲晨來復交供事名條二紙
一滿股一漢股勢不能再拒即請滿提調英靈二君到館面
商散後復偕松珊謁徐相師實告之再四緩頰始允添入一
人

二十日日晡子丹來談即託其辭史館差

廿六日東風石託寫春聯余自撰門帖云樂於榮啟期健於衛
叔寶吾希段干木吾慕魯仲連上聯樂天醉吟先生傳下聯
左太冲詠史詩也鳳石以為猶露圭角置未用史館獎案今

日上聞奉 旨依議欽此

廿七日得館中呈帖謝恩摺啟總裁命於廿八日遞用黃面紅
裏又因代奏呈帖未使用白紙叙入正摺僅用滿漢提調領
銜撤去各員銜名夢華從報生處附到一紙論康梁之獄云
甲乙之罵然早知有今日之禍又云得免不得免蓋有幸不
幸焉此不滿於叔衡及二沈之言也又得康甫同年書云隨
輶宜昌拓得三游洞題名夜年例敬神
廿九日五更即起盥沐訖赴西苑門謝恩

緣督廬日記鈔卷七

女夫王立勛謹鐫印

邑後學潘承厚謹校

緣督廬日記抄第七冊校勘表

葉次	行次	格次	誤	正	葉次	行次	格次	誤	正
二	廿二	二	川	四川	七十三	三	十九	捐	捐
十一	三	十	起	起	七十三	十一	十	(空格)	復
又	十三	十三	間	間	七十四	十三	七	一	三
又	十六	旺之間	(脫四字)	及金末談	八十三	十三	十六	而	尚
十二	七	廿二	文	父					
十四	五	十九	聞	祠					
四十二	十五	四	五	三					
四十六	十八	廿二	跡	疏					
五十八	一	十	話	託					
六十六	廿二	六	秦	秦					